

Članak 90.
(Obvezni planovi i karte pri eksploataciji gasovitih i tekućih ležišta)

Gospodarsko društvo za eksploataciju gasovitih i tekućih ležišta mora imati:

- a) situacioni nacrt eksploatacionog polja sa naznakom lokacija svih istražnih i eksploatacionih bušotina i ostalih uređaja;
- b) geološku kartu eksploatacionog polja i njegovog okoliša i karakteristične geološke profile;
- c) karte o granicama rubne vode;
- d) podatke i izvješća o bušenju i elektrokarotažnim mjerenjima, zacijevljenju, perforaciji, osvajanju i mjerenju dinamičkog i statičkog pritiska, gasnom faktoru i svim ostalim fizičko - kemijskim analizama kolektora i fluida;
- e) plan eksploatacionog polja sa podacima o slijevanju terena.

Članak 91.
(Priključivanje rudarskih mjerenja)

Situacioni plan eksploatacionog polja i rudarska mjerenja na temelju kojih se izvode rudarski radovi, izrađuju rudarski planovi i projekti moraju biti priključeni na državnu geodetsku osnovu.

Članak 92.
(Mjeračke knjige)

O svim izvršenim mjerenjima gospodarsko društvo dužno je voditi mjeračke knjige koje se ovjeravaju prema propisima o ovjeri poslovnih knjiga, a mogu se voditi u analognom i/ili u digitalnom obliku.

Članak 93.
(Osobe za obavljanje rudarskih mjerenja)

- (1) Rudarska mjerenja vrše i planove izrađuju, odnosno dopunjavaju samo osobe koje za ove poslove ispunjavaju uvjete iz članka 32. stavak 1) točka v).
- (2) Kod izrade novih rudarskih planova u njih se moraju prenijeti i svi detalji iz starih rudarskih planova, kao što su stari jamski otvori, stari radovi i rasjedi, visinske kote i dr.

Članak 94.
(Korištenje zemljišta za premjer)

Korisnici i vlasnici zemljišta dužni su dozvoliti gospodarskom društvu, odnosno izvođaču radova premjeravanje i postavljanje geodetskih točaka i oznaka eksploatacionog polja.

Članak 95.
(Dostavljanje planova)

Kopije planova iz članka 89. toč. a) do g) ovog zakona gospodarsko društvo dužno je dostaviti na zahtjev Federalnog ministarstva, odnosno kantonalnog ministarstva nadležnog za rudarstvo.

Članak 96.
(Plan eksploatacije mineralnih sirovina)

Gospodarsko društvo dužno je izraditi dugoročni program i godišnji plan eksploatacije mineralnih sirovina i dostaviti ga Federalnom ministarstvu, odnosno kantonalnom ministarstvu nadležnom za rudarstvo na njihov zahtjev.

Članak 97.
(Usuglašenost rudarskih projekata sa propisima koji uređuju zaštitu okoliša)

Gospodarsko društvo ili izvođač rudarskih radova dužan je rudarske projekte i nadzor o utjecaju svoje djelatnosti na okoliš usuglasiti sa propisima koji uređuju zaštitu okoliša i propise o vodama.

DIO OSMI - NADZOR

Članak 98.
(Nadzor)

- (1) Nadzor nad provedbom ovog zakona i propisa donesenih na temelju ovog zakona vrši Federalno ministarstvo, odnosno kantonalno ministarstvo nadležno za rudarstvo, svako iz svoje nadležnosti.
- (2) Inspekcijski nadzor vrši Federalna uprava za inspekcijske poslove na temelju ovog zakona i Zakona o inspekcijama Federacije BiH (u daljem tekstu: Zakon o inspekcijama) („Službene novine Federacije BiH“, br. 73/14 i 19/17- odluka US), a iz nadležnosti kantona vrše kantonalni rudarski inspektori na temelju kantonalnog zakona o rudarstvu i posebnog zakona.

Članak 99.
(Rudarska inspekcija)

Inspekcijski nadzor iz nadležnosti Federacije BiH nad provođenjem ovog zakona i na temelju njega donesenih propisa, tehničkih propisa, propisa o zaštiti od požara pri izvođenju rudarskih radova, propisa o tehničkim normativima o zaštiti na radu i zaštite zdravlja uposlenika u rudarstvu i drugih propisa pri eksploataciji mineralnih sirovina, te izvođenju drugih radova vrši nadležna rudarska inspekcija (u daljnjem tekstu: inspekcija) prema ovom zakonu i Zakonu o inspekcijama.

Članak 100.
(Rudarski inspektor)

- (1) Poslove rudarskog inspektora (u daljem tekstu: inspektor) može obavljati osoba koje ima visoku stručnu spremu odgovarajućeg smjera (rudarskog, strojarskog, elektrotehničkog) ili visoko obrazovanje prvog ciklusa Bolonjskog sistema studiranja (koji se vrednuje s 240 ECTS bodova), drugog ili trećeg ciklusa Bolonjskog sistema studiranja odgovarajućeg smjera, najmanje tri godine radnog iskustva na poslovima tehničkog rukovođenja u gospodarskim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i koje ispunjava uvjete iz članka 33. Zakona o inspekcijama.

- (2) Poslove inspektora koji vrši nadzor u jamskim objektima sa metanom i opasnom ugljenom prašinom može obavljati samo osoba koje osim uvjeta iz stavka (1) ovog članka ima i radno iskustvo od najmanje tri godine na poslovima tehničkog rukovođenja u takvim objektima.

Članak 101.
(Nadležnost inspekcije)

- (1) Inspekcija vrši inspekcijski nadzor nad provođenjem zakona i propisa koji se odnose na:
- a) eksploataciju mineralnih sirovina;
 - b) tehničke mjere pri obavljanju rudarske djelatnosti;
 - c) zaštitu na radu pri eksploataciji mineralnih sirovina;
 - d) zaštitu od požara i eksplozije pri eksploataciji mineralnih sirovina;
 - e) izgradnju i održavanje rudarskih objekata, postrojenja i uređaja;
 - f) transport, skladištenje i rukovanje eksplozivnim sredstvima;
 - g) izvođače radova;
 - h) tehničko rukovođenje i nadzor;
 - i) rudarska mjerenja, pravilnu izradu i redovno dopunjavanje rudarskih planova – karata i ostalu dokumentaciju potrebnu za pravilno tehničko i racionalno izvođenje rudarskih radova i ažurno vođenje mjeračkih knjiga i
 - j) provođenje tehničkih mjera, mjera zaštite i protivpožarne zaštite pri izvođenju rudarskih radova koji nisu vezani uz radove eksploatacije mineralnih sirovina: tunelogradnja i drugi poslovi gdje se za izradu koriste rudarske metode i oprema, a sukladno sa rudarskim projektima.
- (2) Inspektor nadzire i rad pogona koji su u neposrednoj svezi sa tehnološkim procesom izvođenja rudarskih radova i elektropostrojenja, kao i uređaja i instalacija pri izvođenju rudarskih radova.

Članak 102.
(Ovlaštenja inspektora)

- (1) Pri vršenju inspekcijskog nadzora inspektor ima ovlaštenja:
- a) u svako doba ući u sve poslovne i pogonske prostorije;
 - b) pregledati rudarske objekte, postrojenja, uređaje i instalacije;
 - c) pregledati tehničku i drugu dokumentaciju;
 - d) utvrditi identitet osoba koja izvode rudarske radove;
 - e) privremeno izuzeti tehničku dokumentaciju ili je fotokopirati;
 - f) fotografisati lokacije na kojima je zabranio radove;
 - g) uzeti potrebne podatke ili osnovne uzorke mineralnih sirovina ili drugog materijala;
 - h) tražiti pomoć stručne organizacije ili pojedinih stručnih osoba i
 - i) privremeno zabraniti izvođenje rudarskih radova.
- (2) Inspektor može u trajanju do osam dana izuzeti dokumentaciju koja mu je potrebna za utvrđivanje činjeničnog stanja o razmatranom predmetu i ako su prekršene odredbe ovog zakona, tehničkih propisa i propisa iz oblasti zaštite na radu i zaštite zdravlja uposlenika i drugih propisa donesenih na temelju ovog zakona ili ako sumnja da je učinjen prekršaj.

- (3) O izuzimanju dokumentacije iz stavka (2) ovog članka inspektor izdaje gospodarskom društvu, odnosno izvođaču rudarskih radova potvrdu sa popisom izuzete dokumentacije.
- (4) Inspektor u svom radu primjenjuje i prava utvrđena u članku 62. Zakona o inspekcijama („Službene novine Federacije BiH“, br. 73/14 i 19/17- odluka US).
- (5) Ako se u vršenju inspekcijskog nadzora inspektoru onemogući obavljanje pregleda ili pruži fizički otpor ili ako se takav otpor osnovano očekuje, inspektor može zatražiti pomoć nadležne policije.
- (6) Nadležna policija obvezna je pružiti potrebnu zaštitu i omogućiti inspektoru obavljanje inspekcijskog nadzora.
- (7) U vršenju nadzora nad provođenjem mjera sigurnosti i zdravlja na radu u rudarskim objektima inspektor ima ovlaštenja i dužnosti inspektora rada utvrđene posebnim zakonom.

Članak 103. (Dužnosti inspektora)

- (1) Inspektor je dužan na licu mjesta odmah otpočeti sa istragom okolnosti pod kojima je došlo do smrtnih slučajeva ili grupnih nesreća, odrediti mjere i na zahtjev nadležnog organa izdati pisano mišljenje o uzrocima nesreće.
- (2) Inspektor je dužan najmanje jednom u šest mjeseci izvršiti nadzor nad izvođenjem rudarskih radova u objektima koje ugrožava metan, drugi gasovi, prodori vode, mulja i blata, opasna ugljena prašina, silikatna prašina, živina para, kao i prostor sa opasnim radioaktivnim zračenjem i u slučajevima povećanog rizika od nastanka opasnosti.
- (3) Inspekcijski nadzor nad rudarskim radovima koji nisu obuhvaćeni u stavku (2) ovog članka inspektor je dužan vršiti najmanje jednom godišnje.
- (4) Po prijemu obavijesti iz članka 21. stavak (2) ovog zakona, inspektor je dužan izaći na teren i utvrditi činjenice i izreći upravne mjere.

Članak 104. (Dužnosti gospodarskog društva, odnosno izvođača rudarskih radova)

- (1) Gospodarsko društvo, odnosno izvođač rudarskih radova dužan je inspektoru omogućiti vršenje inspekcijskog nadzora.
- (2) Gospodarsko društvo, odnosno izvođač rudarskih radova dužan je omogućiti uvid u svu dokumentaciju društva, a na traženje inspektora odrediti jednu ili više osoba koje će sudjelovati u utvrđivanju činjeničnog stanja pri obavljanju inspekcijskog nadzora.
- (3) Uviđaj rudarskih nesreća koje nisu obuhvaćene u članku 103. stavak (1) ovog zakona vrši povjerenstvo za rudarske nesreće gospodarskog društva odnosno izvođača rudarskih radova, u čijem sastavu je obvezno predstavnik poslova zaštite na radu i rudarski mjerač, sukladno sa ovim zakonom i općim aktima gospodarskog društva odnosno izvođača rudarskih radova.

Članak 105. (Zapisnik o inspekcijskom nadzoru)

- (1) O obavljenom inspekcijskom nadzoru inspektor je obavezan sastaviti zapisnik navodeći činjenično stanje utvrđeno tim nadzorom.

- (2) Zapisnik sastavlja inspektor koji je izvršio inspekcijski nadzor. Ako je inspekcijski nadzor obavilo istovremeno više inspektora po istom nalogu (kolektivni inspekcijski nadzor) u tom slučaju zajednički sastavljaju jedan zapisnik.
- (3) Zapisnik osim navoda propisanih u Zakonu o upravnom postupku, sadrži navode koje je neophodno navesti u obavljanju inspekcijskog nadzora.
- (4) Zapisnik o inspekcijskom nadzoru je javna isprava osim onih dijelova zapisnika na koje je subjekt nadzora dao primjedbu da nije pravilno sačinjen.

Članak 106. (Upravne mjere)

Kad inspektor utvrdi da gospodarsko društvo, odnosno izvođač rudarskih radova ne postupa ili nepotpuno postupa prema obvezama koje su mu određene propisima, dužan je prema utvrđenom činjeničnom stanju u zapisniku o obavljenom inspekcijskom nadzoru narediti odgovarajuće upravne mjere i to:

- a) narediti otklanjanje utvrđenih nedostataka i nepravilnosti na način i u roku kako je određeno ovim zakonom i propisima donesenim na temelju njega;
- b) narediti privremenu zabranu izvođenja radova;
- c) narediti zabranu izvođenja radova;
- d) narediti poduzimanje odgovarajućih upravnih radnji koje su privredni subjekt i drugo pravno lice, institucija koja ima javna ovlaštenja, odnosno organ uprave obvezni poduzeti;
- e) prisilno provesti izvršenje određene upravne mjere kada je gospodarsko društvo, odnosno izvođač rudarskih radova sam ne izvrši;
- f) izreći novčanu kaznu na licu mjesta kako je određeno ovim zakonom;
- g) podnijeti prijavu protiv gospodarskog društva, odnosno izvođača rudarskih radova i odgovorne osobe za učinjeni prekršaj ili krivično djelo;
- h) odrediti i druge mjere i obaviti radnje određene ovim zakonom i posebnim propisima;
- i) izreći zabranu rada u pogonu ili na određenim poslovima, ako utvrdi nedostatke iz članka 101. ovog zakona;
- j) ako se nedostaci i propusti odnose na mjere zaštite na radu ili mjere za zaštitu života i zdravlja građana usljed kojih može nastati neposredna opasnost po život i zdravlje uposlenika i drugih građana, inspektor će zabraniti rad u pogonu ili na određenim poslovima dok se postojeći nedostaci ne otklone;
- k) zabraniti ili privremeno zabraniti obavljanje djelatnosti;
- l) odrediti drugu osobu za vođenje akcije spasavanja.

Članak 107. (Privremena zabrana izvođenja rudarskih radova)

Inspektor može rješenjem privremeno zabraniti izvođenje rudarskih radova gospodarskom društvu, odnosno izvođaču rudarskih radova do otklanjanja nedostataka, ako prilikom inspekcijskog nadzora utvrdi da:

- a) gospodarsko društvo, odnosno izvođač rudarskih radova nije osigurao potpunu ispravnost sredstava za rad, radni prostor i radni proces kako je to određeno odobrenim projektom i tehničkom dokumentacijom prema odredbama ovog zakona;
- b) gospodarsko društvo, odnosno izvođač rudarskih radova ne primjenjuje u cijelosti odredbe ovog zakona, tehničke propise, propise iz oblasti zaštite na radu i zaštite

zdravlja uposlenika i druge propise i opće akte koji se odnose na rudarske radove, odnosno ako se radovi ne izvode sukladno sa odobrenom tehničkom dokumentacijom;

- c) pri korištenju sredstava rada, primjeni radnih postupaka, korištenju radnog prostora koji nije zaštićen prijeti opasnost od povreda, ugrožavanja zdravlja uposlenika gospodarskog društva, odnosno izvođača rudarskih radova i ako se uposlenici ne pridržavaju odgovarajućih uputa za rad;
- d) gospodarsko društvo, odnosno izvođač rudarskih radova nije postupio sukladno sa usmeno izrečenim naređenjem inspektora;
- e) gospodarsko društvo, odnosno izvođač rudarskih radova onemogućava obavljanje inspekcijskog pregleda;
- f) gospodarsko društvo, odnosno izvođač rudarskih radova nije postupio po rješenju za otklanjanje nedostataka.

Članak 108.

(Zabrana izvođenja rudarskih radova)

Inspektor je dužan rješenjem zabraniti izvođenje rudarskih radova gospodarskom društvu, odnosno izvođaču rudarskih radova, ako prilikom inspekcijskog nadzora utvrdi da:

- a) gospodarsko društvo, odnosno izvođač rudarskih radova izvodi rudarske radove bez dozvole za izvođenje radova ili se rudarski radovi ne izvode prema odobrenoj projektnoj i tehničkoj dokumentaciji, ili se rudarski radovi izvode suprotno tehničkim propisima, propisima iz oblasti zaštite na radu i zdravlja uposlenika i drugim propisima koji se odnose na rudarske radove i općim aktima izvođača rudarskih radova, što može ugroziti živote i zdravlje uposlenika, sigurnost saobraćaja i susjednih objekata i uzrokovati nastanak veće materijalne štete;
- b) kod gospodarskog društva, odnosno izvođača rudarskih radova uposlene su osobe koje ne ispunjavaju uvjete o stručnoj osposobljenosti prema odredbama ovog zakona;
- c) gospodarsko društvo, odnosno izvođač rudarskih radova ili njegova odgovorna osoba i pored usmenog naređenja inspektora ponovno krši odredbe tehničkih propisa, propisa iz oblasti zaštite na radu i zaštite zdravlja uposlenika i drugih propisa koji se odnose na rudarske radove, te općih akata izvođača rudarskih radova prema ovom zakonu;
- d) gospodarsko društvo, odnosno izvođač rudarskih radova koristi objekte, postrojenja, uređaje i instalacije bez uporabne dozvole, što neposredno ugrožava sigurnost objekata i uređaja, život i zdravlje ljudi, odvijanje saobraćaja, susjedne objekte i okoliš i predstavlja neposrednu opasnost za život i zdravlje uposlenika;
- e) gospodarsko društvo, odnosno izvođač rudarskih radova pri izvođenju rudarskih radova ulazi u posjed bez riješenih imovinsko-pravnih odnosa ili zahvata i područje van prostora određenog dozvolom za eksploataciju.

Članak 109.

(Zabrana obavljanja djelatnosti)

Inspektor je dužan rješenjem zabraniti obavljanje djelatnosti gospodarskom društvu, odnosno izvođaču rudarskih radova, ako prilikom inspekcijskog nadzora utvrdi:

- a) da za obavljanje djelatnosti ne ispunjava zakonom propisane uvjete;
- b) da se pri obavljanju djelatnosti ne primjenjuju propisi i standardi;

- c) ako izradu i reviziju tehničke dokumentacije obavljaju osobe koje ne ispunjavaju uvjete prema ovom zakonu.

Članak 110.
(Usmeno izricanje upravne mjere)

- (1) U inspekcijskom nadzoru inspektor će gospodarskom društvu, odnosno izvođaču rudarskih radova usmeno izreći upravnu mjeru i narediti da se odmah izvrši:
 - a) kad je to obavezan prema ovom zakonu,
 - b) kad je u nastaloj situaciji neophodno, prema ocjeni inspektora, poduzeti radnje na otklanjanju neposredne opasnosti po život i zdravlje uposlenika i građana ili nastanak veće materijalne štete.
- (2) Sadržaj usmene upravne mjere inspektor upisuje u knjigu rudarskog nadzora i u zapisnik o inspekcijskom nadzoru.

Članak 111.
(Rok za donošenje rješenja)

- (1) Upravnu mjeru inspektor određuje rješenjem.
- (2) Rješenje o određenim upravnim mjerama inspektor je dužan donijeti u rokovima utvrđenim zakonom, a u hitnim slučajevima najkasnije u roku od tri dana po isteku roka za davanje primjedbi na zapisnik o izvršenom inspekcijskom nadzoru.
- (3) O usmeno izrečenim upravnim mjerama inspektor je dužan donijeti rješenje u roku od tri dana od dana izricanja tih mjera.

Članak 112.
(Izvršenje rješenja)

- (1) Izvršenje rješenja prati inspektor i utvrđuje po službenoj dužnosti.
- (2) Izvršenje rješenja inspektor utvrđuje kontrolnim pregledom ili drugim pisanim dokazom.
- (3) Izvršenje rješenja inspektor može produžiti do 30 dana osim rješenja kojim su upravne mjere usmeno izrečene.

Članak 113.
(Žalba na rješenje)

- (1) Žalba na rješenje o usmeno izrečenoj upravnoj mjeri nije dopuštena.
- (2) Žalba na rješenje o izrečenim upravnim mjerama iz čl. 106., 107. 108. i 109 ovog zakona može se izjaviti u roku od osam dana od dana prijema rješenja.
- (3) O žalbi rješava nadležno ministarstvo.
- (4) Žalba na rješenje inspektora o izrečenim upravnim mjerama ne odgađa izvršenje rješenja.
- (5) Protiv rješenja inspektora o usmeno izrečenoj upravnoj mjeri i rješenja nadležnog ministarstva donesenog po žalbi može se pokrenuti upravni spor.

Članak 114.
(Rok za rješavanje žalbe)

Žalbu na rješenje inspektora o izrečenoj upravnoj mjeri nadležni drugostepeni organ dužan je riješiti u roku od 15 dana od dana prijema žalbe.

DIO DEVETI - ZAŠTITA I UREĐENJE PROSTORA

Članak 115.
(Ugrožavanje okoliša)

- (1) Gospodarsko društvo mora osigurati izvođenje rudarskih radova sukladno sa uvjetima i mjerama zaštite okoliša iz rješenja da ne postoji potreba provođenja procjene utjecaja na okoliš putem izrade studije ili rješenjem o odobrenju studije utjecaja na okoliš i/ili okolinskom dozvolom i urbanističkom suglasnošću tako da ti radovi ne prelaze dozvoljena oštećenja okoliša.
- (2) Gospodarsko društvo za vrijeme izvođenja rudarskih radova mora etapno, a najkasnije po završetku rudarskih radova, izvršiti konačnu sanaciju zemljišta tehničku rekultivaciju degradiranih površina nastalih uslijed rudarskih radova sukladno sa rudarskim projektom i dozvolom za potpunu i trajnu obustavu eksploatacije iz članka 43. ovog zakona.
- (3) Gospodarsko društvo ne može dobiti odobrenje za eksploataciju na novom eksploatacionom polju, ako ne izvrši konačnu sanaciju zemljišta i tehničku rekultivaciju degradiranih površina nastalih uslijed rudarskih radova na ranije odobrenom eksploatacionom polju.

Članak 116.
(Suglasnost za građenje u eksploatacionom polju)

- (1) Investitor koji planira novu gradnju u granicama eksploatacionog polja, uz zahtjev za izdavanje urbanističke suglasnosti, potrebno je priložiti mišljenje gospodarskog društva iz članka 2. stavak (1) točka d) ovog zakona.
- (2) Urbanistička suglasnost iz stavka (1) ovog članka može se izdati i kada prema mišljenju gospodarskog društva koje vrši eksploataciju, postoji opasnost od oštećenja, ali samo ako ne postoji opasnost po život i zdravlje ljudi i ako se investitor pismeno odrekne prava na naknadu štete koja bi mogla nastati kao posljedica izvođenja rudarskih radova.
- (3) Izjava o odricanju prava na naknadu štete mora se ubilježiti u zemljišne knjige.

Članak 117.
(Građenje u eksploatacionom polju)

- (1) Ako to zahtjeva javni interes, na površini eksploatacionog polja mogu se graditi javni putevi, željezničke pruge, kanali i druge saobraćajnice, elektrovodovi visokog napona, energetske objekti, vodovodi, naftovodi, sonovodi i gasovodi, ako se osiguraju zaštitni stubovi kojima će se spriječiti ugrožavanje života ljudi i izgrađenih objekata.

- (2) Prije izrade projektne dokumentacije za objekte iz stavka (1) ovog članka, investitor mora od gospodarskog društva tražiti mišljenje o tome koji bi pravac i položaj tih objekata u eksploatacionom polju bio najprimjereniji.
- (3) Sukladno sa važećim propisima gospodarsko društvo ima pravo na naknadu stvarne štete nastale izgradnjom objekata iz stavka (1) ovog članka.

DIO DESETI - KAZNE NE ODREDBE

Članak 118. (Prekršaji)

- (1) Novčanom kaznom od 10.000,00 KM do 15.000,00 KM bit će kažnjeno za prekršaj gospodarsko društvo i drugo pravno lice:
 - a) koje vrši eksploataciju mineralnih sirovina bez dozvole nadležnog organa (čl. 10. i 40.);
 - b) koje izvodi rudarske radove bez dozvole za izvođenje rudarskih radova prema projektu (član 44.);
 - c) koje stavi u redovnu uporabu objekte, postrojenja i uređaje prije dobivanja dozvole za uporabu (članak 48.);
 - d) ako vrše eksploataciju mineralnih sirovina van odobrenog eksploatacionog polja (članak 11. stavak (1)) i ako pri izvođenju rudarskih radova ulazi u posjed bez riješenih imovinsko - pravnih odnosa (članak 108. stavak (1) , točka e));
 - e) ako ne provede propisane mjere zaštite na radu u rudarstvu i mjere za sigurnost građana i imovine (čl. 17., 50. i članak 53. stavak (1));
 - f) ako na temelju mjerenja ne izrade ili redovno ne dopunjavaju planove iz kojih se može utvrditi stanje rudarskih radova i njihov međusobni položaj i položaj u odnosu na stare rudarske radove i objekte i vode na površini ili ne izrade dugoročni program, odnosno godišnji plan eksploatacije ili ako te planove ili kopije planova iz članka 89. toč. od a) do j) ovog zakona na zahtjev ne dostave nadležnom ministarstvu za rudarstvo ili ne vrše rudarska mjerenja ili ne vode knjigu rudarskog nadzora (čl. 37., 86., 89., 90., 92. i 96.);
 - g) ako u određenom roku rudarskom inspektoratu ne prijave početak rudarskih radova ili ga ne obavijeste o osobama koje će obavljati poslove tehničkog i glavnog tehničkog rukovođenja i tehničkog nadzora ili ako ne prijave prestanak rudarskih radova (članak 47.);
 - h) ako obavljaju poslove periodičnih pregleda sredstava rada i sredstava i opreme osobne zaštite pri radu u rudarstvu, periodične preglede i ispitivanja fizičkih, kemijskih i bioloških štetnosti i mikroklima u radnim i pomoćnim prostorijama i izdavanje odgovarajućih isprava u rudarstvu, a ne ispunjavaju uvjete propisane ovim zakonom (članak 49.);
 - i) koje obavlja poslove na izradi tehničke dokumentacije, a ne ispunjava uvjete propisane ovim zakonom (članak 78.);
 - j) ako u izvođenju rudarskih i drugih radova i pri postavljanju postrojenja odstupa od odobrenih projekata bez suglasnosti nadležnog organa (članak 86.);
 - k) ako nakon završetka ili trajne obustave rudarskih radova na eksploataciji u propisanom roku ne obavijeste nadležno ministarstvo za rudarstvo i

nadležnu rudarsku inspekciju i inspekciju za okoliš o provedenim mjerama osiguranja, sanacije i rekultivacije posljedica rudarskih radova na okoliš (članak 62. st. od (1) do (4));

- l) koje povjeri izradu tehničke dokumentacije ili reviziju projekata ili vršenje periodičnih pregleda sredstava rada i sredstava i opreme osobne zaštite pri radu, periodične preglede i ispitivanja fizičkih, kemijskih i bioloških štetnosti i mikroklima u radnim i pomoćnim prostorijama i izdavanje odgovarajućih isprava u rudarstvu ili izvođenja rudarskih radova gospodarskom društvu ili drugom pravnom licu koje ne ispunjava uvjete propisane ovim zakonom (čl. 49., 78. i 83.);
 - m) ako nakon završetka ili trajne obustave rudarskih radova u roku utvrđenom u rudarskom projektu ne izvrši konačnu sanaciju zemljišta i tehničku rekultivaciju degradiranih površina nastalih uslijed rudarskih radova i okoliša i ne otklone posljedice rudarskih radova ili ne poduzmu potrebne mjere osiguranja za zaštitu života i zdravlja ljudi i imovine ili ako u toku izvođenja rudarskih radova kontinuirano ne vrše sanaciju i rekultivaciju degradiranog zemljišta (članak 62.);
 - n) ako ne posjeduju propisanu tehničku dokumentaciju (članak 66.);
 - o) ako ne organiziraju poslove zaštite na radu i rasporede osobe koja ne ispunjavaju uvjete iz članka 22. Zakona;
 - p) ako ne organiziraju službu za spasavanje ili je snabdiju potrebnom opremom ili ne organiziraju vatrogasnu službu ili službu prve pomoći (članak 20.);
 - r) ako odmah ne obavijeste nadležno ministarstvo za rudarstvo, organ nadležan za unutarnje poslove i nadležnog rudarskog inspektora o svakom smrtnom slučaju, grupnoj povredi, težoj povredi na radu u gospodarskom društvu (članak 21. stavak (3));
 - s) ako nadležnom ministarstvu za rudarstvo i rudarskoj inspekciji u propisanim rokovima ne prijave svaku privremenu obustavu rudarskih radova ili slučaj pojave opasnosti po živote i zdravlje uposlenika ili ponovni početak rudarskih radova (članak 60.);
 - t) ako ne osiguraju izvođenje rudarskih radova prema odobrenoj tehničkoj dokumentaciji i propisima, kao i stalni nadzor svih rudarskih radova, postrojenja i uređaja (članak 36.);
 - u) ako u jamama ugroženim metanom i/ili eksplozivnom prašinom ne osiguraju stalni nadzor nad provjetravanjem (članak 36. stavak (2));
 - v) ako na poslove vršenja nadzora i tehničkog rukovođenja rudarskih radovima rasporede osobu koja ne ispunjava propisane uvjete (čl. od 24. do 31.) i
 - z) kad projektantski nadzor povjeri gospodarskom društvu koje ne ispunjava uvjete iz članka 78. ovog zakona.
- (2) Novčanom kaznom od 1.000,00 KM do 3.000,00 KM bit će kažnjena odgovorna osoba u pravnoj osobi za svaki prekršaj iz stavka (1) ovog članka, a u maksimalnom iznosu od 12.000 KM.
- (3) Za prekršaje iz stavka (1) toč. a) i d) ovog članka izreći će se, uz novčanu kaznu:
- a) zaštitna mjera oduzimanja predmeta koji su upotrijebljeni ili su bili namijenjeni ili za izvršenje prekršaja ili su nastali izvršenjem prekršaja ili kada postoji opasnost da će se takvi predmeti ponovno upotrijebiti za počinjenje prekršaja, bez obzira na to da li su u vlasništvu počinitelja i
 - b) mjera oduzimanja imovinske koristi pribavljene izvršenjem prekršaja.

- (4) Imovinskom koristi iz stavka (3) točka b) ovog članka smatra se tržišna vrijednost mineralne sirovine dobijene nelegalnom eksploatacijom.
- (5) Za prekršaje iz članka 118. ovog zakona može se izreći zabrana odgovornoj osobi da obavlja određenu dužnost u trajanju od jednog do šest mjeseci.

Članak 119. (Prekršaji)

- (1) Novčanom kaznom od 5.000,00 KM do 10.000,00 KM bit će kažnjeno za prekršaj gospodarsko društvo i drugo pravno lice ako:
 - a) u određenom roku ne prijave ministarstvu nadležnom za rudarstvo koje je izdalo dozvolu za eksploataciju iz članka 39. ovog zakona i nadležnoj rudarskoj inspekciji svaku obustavu izvođenja rudarskih radova u roku od 24 sata nakon obustave radova (članak 60.) i najkasnije 15 dana prije početka obustave radova (čl. 60. i 61.);
 - b) rudarskom inspektoru ne dozvole postupanje sukladno sa njegovim ovlaštenjima i dužnostima ili ga ometaju ili sprečavaju na bilo koji način u vršenju nadzora ili ako ne postupe po rješenju rudarskog inspektora (članak 101. i članak 107. točka f.).
- (2) Novčanom kaznom od 500,00 KM do 2.000,00 KM bit će kažnjena odgovorna osoba u pravnom licu za prekršaj iz stavka (1) ovog članka.

Članak 120. (Prekršaji)

- (1) Novčanom kaznom od 1.000,00 KM do 15.000,00 KM bit će kažnjeno za prekršaj gospodarsko društvo i druga pravna osoba u kojem je:
 - a) izrađen projekat, ako u njemu nisu riješena sva pitanja sigurnosti pogona i uposlenika, podzemnih, površinskih i susjednih objekata, ako nisu ili su nepravilno primijenjeni propisi o zaštiti na radu u rudarstvu, normativi i obvezni standardi (članak 67.);
 - b) izvršena revizija projekta i nije provjerena primjena članka 67. ovog zakona u projektu ili ako je revizija nemarno i nekvalitetno izvršena (članak 82.);
 - c) izrađen projekat, a nije priložena pisana izjava prema odredbama članka 81. ovog zakona kao poseban akt kojom se potvrđuje da su u projektu primijenjeni uvjeti iz članka 67. ovog zakona ili dokaz da projektant i glavni projektant rudarskog projekta ispunjavaju uvjete iz članka 79. ovog zakona (čl. 79. i 81.).
- (2) Novčanom kaznom od 500,00 KM do 3.000,00 KM bit će kažnjeno odgovorna osoba u pravnom licu za prekršaj iz stavka (1) ovog članka.
- (3) Za prekršaj iz stavka (1) ovog članka novčanom kaznom u iznosu od 1.000 KM do 1.500 KM bit će kažnjen:
 - a) projektant, ako pri izradi projekta ne primjeni ili nepravilno primijeni propisane mjere i normative zaštite na radu u rudarstvu i obvezne standarde (članak 67.) i
 - b) revident, ako nemarno i nekvalitetno izvrši reviziju rudarskog projekta u pogledu primjene propisanih mjera i normativa zaštite na radu i obveznih standarda (članak 82.).

**Članak 121.
(Prekršaji)**

Novčanom kaznom od 50,00 KM do 250,00 KM, bit će kažnjen svaki uposlenik u gospodarskom društvu, odnosno kod izvođača rudarskih radova u koliko ne provodi mjere zaštite na radu u rudarstvu i mjere zaštite od požara u okviru djelokruga svog rada, sukladno sa općim aktom gospodarskog društva, odnosno izvođača radova (članak 50.).

DIO JEDANAESTI - PRIJELAZNE I ZAVRŠENE ODREDBE

**Članak 122.
(Postupci koji su počeli prije stupanja na snagu ovog zakona)**

Postupci za dobijanje dozvola iz članka 38. ovog zakona, koji do dana stupanja na snagu ovog zakona nisu okončani, završit će se prema propisima koji su bili na snazi na dan predaje zahtjeva.

**Članak 123.
(Propisi Vlade Federacije)**

Vlada Federacije u roku od dvije godine od dana stupanja na snagu ovog zakona donijet će strategiju iz članka 13. i 14. ovog zakona.

**Članak 124.
(Propisi federalnog ministra)**

Federalni ministar donijet će propise iz čl. 16., 20., 31., 34., 46., 48., 49., 52., 65., 68., 77. i 88. ovog zakona u roku od dvije godine, a propise iz članka 19. ovog zakona u roku od pet godina od dana stupanja na snagu ovog zakona.

**Članak 125.
(Primjena postojećih propisa)**

Do donošenja novih propisa i pravilnika prema odredbama ovog zakona, primjenjivat će se sljedeći propisi, ukoliko nisu u suprotnosti sa ovim zakonom:

- a) Pravilnik o uvjetima koje moraju ispunjavati pravne osobe za izradu Elaborata o kategorizaciji ugljenih slojeva i jama i razvrstavanje jamskih prostorija prema stupnju opasnosti od metana i Elaborata o klasifikaciji i kategorizaciji jame, odnosno jamskih prostorija prema stupnju opasnosti od eksplozivne ugljene prašine u pogledu osposobljenosti i opremljenosti i postupku njihovog odobrenja („Službene novine Federacije BiH“, broj 68/11),
- b) Pravilnik o polaganju stručnog ispita za određene poslove u oblasti rudarstva („Službene novine Federacije BiH“, broj 70/11),
- c) Pravilnik o izmjenama i dopunama pravilnika o polaganju stručnog ispita za određene poslove u oblasti rudarstva („Službene novine Federacije BiH“, broj 7/20),
- d) Pravilnik o polaganju stručnog ispita za samostalno rukovanje eksplozivnim sredstvima u oblasti rudarstva („Službene novine Federacije BiH“, broj 76/11),

- e) Pravilnik o vođenju katastra odobrenih eksploatacijskih polja, načinu vođenja zbirke isprava i popisa gospodarskih društava kojima su izdane dozvole za eksploataciju mineralnih sirovina („Službene novine Federacije BiH“, broj 79/11)
- f) Pravilnik o postupku ispitivanja ispravnosti otkopne metode, tehnologije i postrojenja („Službene novine Federacije BiH“, broj 80/11),
- g) Pravilnik o tehničkim normativima za izvođenje rudarskih mjerenja, izradu rudarskih planova i karata, njihovih razmjera, izbor sistema koordinata i vođenje rudarsko - mjerачke i druge dokumentacije koja se upotrebljava pri izradi rudarske tehničke dokumentacije („Službene novine Federacije BiH“, broj 14/12),
- h) Pravilnik za provođenje tehničkih mjera i mjera zaštite za skladištenje i trošenje sekundarnih ili trenutno otpadnih sirovina u rudarstvu i korisnih mineralnih sirovina dobijenih kroz istražne radove („Službene novine Federacije BiH“, broj 37/12),
- i) Pravilnik o sadržaju, redoslijedu izrade, sastavnim dijelovima i načinu izrade rudarskih projekata („Službene novine Federacije BiH“, broj 53/12),
- j) Pravilnik o sadržaju elaborata, načinu i postupku kategorizacije ugljenih slojeva i jama i razvrstavanju jamskih prostorija prema stepenu opasnosti od metana („Službene novine Federacije BiH“, broj 59/12),
- k) Pravilnik o načinu organiziranja, stručnoj osposobljenosti i tehničkoj opremljenosti službe spasavanja, vatrogasne službe i službe prve pomoći u rudarskom gospodarskom društvu („Službene novine Federacije BiH“, broj 64/12),
- l) Pravilnik o sadržaju elaborata načinu i postupku klasifikacije ugljenog sloja i kategorizacije jame odnosno jamskih prostorija prema stupnju opasnosti od eksplozivne ugljene prašine („Službene novine Federacije BiH“, broj 104/13),
- m) Pravilnik o provođenju tehničkih mjera i mjera zaštite pri izvođenju rudarskih radova na površini i/ili ispod zemlje koji nisu vezani uz radove eksploatacije mineralnih sirovina („Službene novine Federacije BiH“, broj 95/15),
- n) Pravilnik o obavljanju tehničkog pregleda rudarskih objekata, postrojenja, uređaja instalacija, sadržaju zapisnika i načinu imenovanja članova komisije i naknadama („Službene novine Federacije BiH“, broj 48/14),
- o) Pravilnik o tehničkim mjerama sa mjerama zaštite pri eksploataciji mineralnih sirovina dubinskim bušenjem („Službene novine Federacije BiH“, broj 38/13),
- p) Pravilnik o sadržaju i načinu izrade strategije upravljanja mineralnim sirovinama („Službene novine Federacije BiH“, broj 31/12),
- r) Zakon o prijevozu opasnih materija („Službeni list SFRJ“, br. 27/90 i 45/90),
- s) Zakon o prometu eksplozivnih materija i zapaljivih tečnosti i gasova - pročišćeni tekst („Službeni list SFRJ“, br. 39/89 i 36/90),
- t) Pravilnik o sadržaju rudarskih projekata za korištenje nafte i zemnog gasa („Službeni list SFRJ“, broj 21/68),
- u) Pravilnik o tehničkim normativima za pripremanje mineralnih sirovina - ruda, obojenih metala („Službeni list SFRJ“, broj 36/79),
- v) Pravilnik o tehničkim normativima pri rukovanju eksplozivnim sredstvima i miniranj u rudarstvu („Službeni list SFRJ“, br. 26/88 i 63/88),
- z) Pravilnik o tehničkim normativima za podzemnu eksploataciju uglja („Službeni list SFRJ“, br. 4/89, 45/89, 3/90 i 54/90),
- aa) Pravilnik o tehničkim normativima za podzemnu eksploataciju mineralnih sirovina metala i nemetala („Službeni list SFRJ“, broj 24/91),

- bb) Pravilnik o tehničkim normativima pri prijevozu ljudi i materijala oknima rudnika („Službeni list SFRJ“, br. 4/80, 12/85, 35/87 i 51/88),
- cc) Pravilnik o tehničkim normativima pri prijevozu ljudi u rudnicima sa podzemnom eksploatacijom mineralnih sirovina horizontalnim i kosim prostorijama („Službeni list SFRJ“, broj 34/89),
- dd) Pravilnik o tehničkim normativima za prijevoz transporterima sa trakom u rudarstvu („Službeni list SFRJ“, br. 5/73, 12/74, 4/86 i 4/89) sa izuzetkom odredbi čl. od 23. do 85. i čl. od 90. do 112.,
- ee) Pravilnik o tehničkim normativima za gradnju jamskih magazina za eksplozivna sredstva u rudnicima s podzemnom eksploatacijom mineralnih sirovina („Službeni list SFRJ“, broj 12/88),
- ff) Pravilnik o tehničkim normativima za strojeve s dizelskim motorima koji se koriste pri podzemnim rudarskim radovima u nematanskim jamama („Službeni list SFRJ“, broj 66/78),
- gg) Pravilnik o tehničkim normativima za površinsku eksploataciju ležišta mineralnih sirovina („Službeni list SFRJ“, br. 4/86 i 62/87),
- hh) Pravilnik o tehničkim normativima za površinsku eksploataciju arhitektonsko - građevinskog kamena (ukrasnog kamena), tehničkog kamena, šljunka i pijeska te preradu arhitektonsko - građevinskog kamena („Službeni list SFRJ“, broj 11/86),
- ii) Pravilnik o tehničkim normativima za izgradnju objekata za dobivanje morske soli i za proizvodnju morske soli („Službeni list SFRJ“, broj 20/78),
- jj) Pravilnik o tehničkim normativima za rudarske radove pri istraživanju i eksploataciji ležišta kamene soli („Službeni list SFRJ“, broj 8/79),
- kk) Pravilnik o tehničkim normativima za istraživanje, dobijanje i pripremu nuklearnih mineralnih sirovina („Službeni list SFRJ“, br. 39/85 i 40/86),
- ll) Pravilnik o tehničkim normativima za električna postrojenja, uređaje i instalacije u rudnicima sa podzemnom eksploatacijom („Službeni list SFRJ“, br. 21/88 i 90/91),
- mm) Pravilnik o tehničkim normativima za električna postrojenja i uređaje u rudnicima sa površinskom eksploatacijom mineralnih sirovina („Službeni list SFRJ“, broj 66/87),
- nn) Pravilnik o tehničkim mjerama zaštite na radu pri rudarskim podzemnim radovima („Službeni list SFRJ“, br. 11/67, 35/67, 60/70, 9/71, 3/73 i 5/73) i to dio od članka 1. do 35.,
- oo) Naredba o obaveznom atestiranju užadi za izvozna postrojenja u rudarstvu („Službeni list SFRJ“, br. 27/80 i 67/80),
- pp) Pravilnik o mjerama zaštite pri rukovanju eksplozivnim sredstvima i miniranju u rudarstvu („Službeni list SFRJ“, br. 8/87 i 12/88),
- rr) Pravilnik o tehničkim normativima za pokretne stepenice i trake za prijevoz ljudi („Službeni list SFRJ“, br. 66/78, 13/82 i 42/88),
- ss) Pravilnik o opštim mjerama i normativima zaštite na radu na oruđima za rad i uređajima („Službeni list SFRJ“, broj 18/67),
- tt) Pravilnik o tehničkim normativima za dizalice („Službeni list SFRJ“, broj 65/91),
- uu) Pravilnik o sredstvima lične zaštite na radu i ličnoj zaštitnoj opremi („Službeni list SFRJ“, broj 35/69),
- vv) Pravilnik o tehničkim normativima za skijaške liftove („Službeni list SFRJ“, br. 2/85 i 11/85),

- zz) Pravilnik o tehničkim normativima i o zaštiti na radu pri istraživanju i eksploataciji nafte i zemnih gasova dubinskim bušotinama („Službeni list SRJ“, br. 46/60, 37/64, 2/67 i 14/67),
- aaa) Pravilnik o tehničkim normativima za zaštitu skladišta od požara i eksplozije („Službeni list SFRJ“, broj 24/87),
- bbb) Pravilnik o tehničkim normativima pri istraživanju i eksploataciji nafte, zemnih gasova i slojnih voda („Službeni list SFRJ“, br. 43/79, 41/81 i 15/82),
- ccc) Pravilnik o tehničkim normativima za stabilne posude pod pritiskom („Službeni list SFRJ“, broj 16/83),
- ddd) Pravilnik o tehničkim normativima za električne instalacije niskog napona („Službeni list SFRJ“, br. 53/88 i 54/88),
- eee) Pravilnik o tehničkim normativima za izgradnju nadzemnih elektroenergetskih vodova nazivnog napona od 1 kV do 400 kV („Službeni list SFRJ“, broj 65/88),
- fff) Pravilnik o tehničkim normativima za izgradnju nadzemnih elektroenergetskih vodova („Službeni list SFRJ“, br. 51/73, 69/73, 11/80, 36/86 i 65/88),
- ggg) Pravilnik o tehničkim normativima za dizala na električni pogon za vertikalni prijevoz osoba i tereta („Službeni list SFRJ“, br. 16/86 i 28/89),
- hhh) Pravilnik o tehničkim mjerama za liftove („Službeni list SFRJ“, br. 51/78, 16/88 i 28/89),
- iii) Pravilnik o obveznom atestiranju dizala na električni pogon za vertikalni prijevoz osoba i tereta te o uslovima koje moraju ispunjavati organizacije udruženog rada ovlaštene za atestiranje tih proizvoda („Službeni list SFRJ“, broj 27/90),
- jjj) Pravilnik o tehničkim normativima za dizala na električni pogon za vertikalni prijevoz tereta sa kabinom u koju nije moguć pristup ljudi („Službeni list SFRJ“, broj 55/87),
- kkk) Pravilnik o tehničkim normativima za zaštitu elektroenergetskih postrojenja i uređaja od požara („Službeni list SFRJ“, broj 74/90),
- lll) Pravilnik o tehničkim normativima za izgradnju niskonaponskih nadzemnih vodova („Službeni list SFRJ“, broj 6/92),
- mmm) Pravilnik o tehničkim propisima o gromobranima („Službeni list SFRJ“, broj 13/68),
- nnn) Pravilnik o tehničkim mjerama za uređaje sa svjetlećim cijevima („Službeni list SFRJ“, broj 14/67),
- ooo) Pravilnik o tehničkim normativima za zaštitu elektroenergetskih postrojenja od prenapona („Službeni list SFRJ“, br. 7/71 i 47/76),
- ppp) Pravilnik o tehničkim normativima za zaštitu od statičkog elektriciteta („Službeni list SFRJ“, broj 62/73),
- rrr) Pravilnik o tehničkim normativima i uslovima za projektovanje i izvedbu električnih postrojenja u prostorijama u kojima se radi s eksplozivom („Službeni list SFRJ“, broj 17/74),
- sss) Pravilnik o tehničkim normativima za elektroenergetska postrojenja nazivnog napona iznad 1000 V („Službeni list SFRJ“, br. 4/74 i 13/78),
- ttt) Pravilnik o tehničkim normativima za zaštitu niskonaponskih mreža i pripadajućih transformatorskih stanica („Službeni list SFRJ“, broj 13/78),
- uuu) Pravilnik o tehničkim normativima za uređaje elektroenergetskih postrojenja nazivnog napona 10 kV za rad pod naponom 20 kV („Službeni list SFRJ“, broj 10/79),
- vvv) Pravilnik o tehničkim mjerama za pogon i održavanje elektroenergetskih postrojenja („Službeni list SFRJ“, broj 19/68),

- zzz) Naredba o obaveznom atestiranju prijenosnih alata sa elektromotorima („Službeni list SFRJ“, broj 21/87),
- aaaa) Naredba o obaveznom atestiranju (homologaciji) protiveksplozijskih zaštićenih električnih uređaja koji su namijenjeni za upotrebu u prostorima ugroženim od eksplozivnih smješa („Službeni list SFRJ“, broj 25/89),
- bbbb) Propisi za protiveksplozijsku zaštitu („Službeni list SFRJ“, broj 18/81),
- cccc) Pravilnik o tehničkim normativima za postavljanje nadzemnih elektroenergetskih vodova i telekomunikacionih kablovskih vodova („Službeni list SFRJ“, broj 36/86),
- dddd) Pravilnik o obrascima evidencija o proizvedenim i nabavljenim eksplozivnim materijalima („Službeni list SRBiH“, broj 21/78),
- eeee) Pravilnik o zaštiti na radu i o tehničkim mjerama za razvijače acetilena i acetilenske stanice („Službeni list SRBiH“, broj 32/87),
- ffff) Pravilnik o postupku raspoređivanja radnika na poslove sa povećanim rizikom i o postupku prethodnih i periodičnih ljekarskih pregleda radnika koji obavljaju poslove sa povećanim rizikom („Službene novine Federacije BiH“, broj 09/23),
- gggg) Pravilnik o postupku skraćivanja radnog vremena na poslovima s povećanim rizikom („Službene novine Federacije BiH“, broj 24/21),
- hhhh) Pravilnik o zaštiti na radu pri korištenju električne struje („Službeni list SRBiH“, broj 34/88),
- iiii) Pravilnik o tehničko – zaštitnim mjerama pri radu na površinskim otkopima uglja, metalnih i nemetalnih sirovina („Službeni list FNRJ“, broj 18/61).

Članak 126.

(Rodna neutralnost pojmova)

Riječi i pojmovni sklopovi koji imaju rodno značenje bez obzira na to jesu li u Zakonu korišteni u muškom ili ženskom rodu odnose se jednako na muški i ženski rod.

Članak 127.

(Primjena postojećih standarda i normativa)

Do donošenja novih standarda i normativa, primjenjivat će se postojeći standardi i normativi iz ove oblasti, ukoliko nisu u suprotnosti sa ovim zakonom.

Članak 128.

(Prestanak važenja Zakona)

Stupanjem na snagu ovog zakona prestaje važiti Zakon o rudarstvu („Službene novine Federacije BiH“, broj 26/10).

Članak 129.

(Kantonalni propisi)

Kantoni su dužni u roku od šest mjeseci od dana stupanja na snagu ovog zakona donijeti kantonalni zakon o rudarstvu usuglašen sa ovim zakonom, odnosno važeći zakon usuglasiti sa odredbama ovog zakona uzimajući u obzir kantonalne nadležnosti i posebnosti oblasti rudarstva.

Članak 130.

(Stupanje Zakona na snagu)

Ovaj zakon stupa na snagu osmog dana od dana objavljivanja u „Službenim novinama Federacije BiH“.

OBRAZLOŽENJE PRIJEDLOGA ZAKONA O RUDARSTVU FEDERACIJE BOSNE I HERCEGOVINE

I - USTAVNI TEMELJ

Ustavni temelj za donošenje Zakona o rudarstvu Federacije Bosne i Hercegovine sadržan je u članku III. 1. točka b) Ustava Federacije Bosne i Hercegovine, koji je izmijenjen amandmanima VIII, LXXXIX i CVI, prema kojem je u isključivoj nadležnosti Federacije utvrđivanje privredne politike, uključujući planiranje i obnovu, te politika korištenja zemljišta na federalnom nivou i u članku III. 2. točke c) i h) Ustava Federacije Bosne i Hercegovine, prema kojem su federalna vlast i kantoni nadležni za politiku zaštite čovjekove okoline i korištenja prirodnih bogatstava i u članku IV. A. 20. (1) d) Ustava Federacije Bosne i Hercegovine, prema kojima je Parlament Federacije, uz ostale ovlasti predviđene Ustavom, odgovoran za donošenje zakona o obnašanju dužnosti federalne vlasti.

II - RAZLOZI ZA DONOŠENJE PROPISA I OBJAŠNJENJE ODABRANE POLITIKE

Parlament Federacije Bosne i Hercegovine je na sjednici Zastupničkog doma održanoj 21.04.2010. godine i sjednici Doma naroda 28.01.2010. godine usvojio Zakon o rudarstvu Federacije Bosne i Hercegovine (Službene novine Federacije BiH", broj 26/10).

Ustavom Federacije Bosne i Hercegovine utvrđena je zajednička nadležnost Federacije i kantona za oblast korištenja prirodnih bogatstava i kako ova nadležnost može biti ostvarivana. Pored odredbi o dogovaranju na trajnoj osnovi u pogledu ovih nadležnosti, postupanju federalne i kantonalnih vlasti u vršenju ovih nadležnosti u Ustavu je utvrđeno da federalna vlast ima pravo utvrđivati politiku i donositi zakone koji se tiču svake od zajedničkih nadležnosti (članak III. 3. 3.(3) Ustava Federacije Bosne i Hercegovine).

Važeći Zakon o rudarstvu Federacije Bosne i Hercegovine („Službene novine Federacije BiH", broj 26/10) (u nastavku teksta: Zakon) u praktičnoj primjeni je nešto duže od 10 godina. Nakon donošenja Zakona u Federaciji Bosne i Hercegovine doneseni su i izmijenjeni brojni zakoni u drugim oblastima, između ostalog, Zakon o koncesijama, Zakon o vodama, Zakon o prostornom planiranju i korištenju zemljišta na nivou Federacije Bosne i Hercegovine, Zakon o gospodarskim društvima, Zakon o javnim poduzećima, Zakon o inspekcijama, Zakon o prekršajima, Zakon o stvarnim pravima, Zakon o zaštiti na radu, set zakona iz oblasti zaštite prirode i okoliša i drugi, što zahtijeva međusobnu harmonizaciju.

Praktična primjena Zakona ukazala je na potrebu preciziranja određenih normi, izmjenu i usklađivanje, otklanjanje nejasnoća i dr.

Planom rada Federalnog ministarstva energije, rudarstva i industrije za 2020. godinu bila je planirana izrada Zakona o izmjenama i dopunama Zakona o rudarstvu Federacije Bosne i Hercegovine.

Nakon provedenih konzultacija i Mišljenja Ureda Vlade Federacije Bosne i Hercegovine za zakonodavstvo i usklađenost sa propisima Europske Unije broj: 01-03-02/1-14-711/20

od 17.8.2020. godine u kojem se predlaže da se umjesto predloženih izmjena i dopuna pristupi izradi novog teksta predmetnog zakona, a imajući u vidu odredbe članka 47. stavak (3) Pravila i postupaka za izradu zakona i drugih propisa Federacije Bosne i Hercegovine („Službene novine Federacije BiH“, broj 71/14).

Cijeneći navedeno mišljenje i prijedloge pojedinih kantona donesena je odluka da se pristupi izradi novog teksta Zakona o rudarstvu Federacije Bosne i Hercegovine.

Radna grupa za izradu novog Zakona o rudarstvu Federacije Bosne i Hercegovine formirana je Rješenjem broj: 06-30-2-148/20 od 16.09.2020. godine.

III - OBRAZLOŽENJE PREDLOŽENIH PRAVNIH RJEŠENJA

DIO PRVI – OPĆE ODREDBE

U čl. 1. do 12. sadržane su odredbe o: predmetu Zakona, pojašnjenju pojmova, upravljanju mineralnim sirovinama, primjeni Zakona, rudarskoj djelatnosti, mineralnim sirovinama i vrsti mineralnih sirovina, rudarskim radovima, rudarskim objektima i postrojenjima, rudničkim vodama, sticanju prava na eksploataciju mineralnih sirovina, eksploatacionom polju i zabrani eksploatacije mineralnih sirovina pri izvođenju građevinskih radova.

DIO DRUGI - UPRAVLJANJE MINERALNIM SIROVINAMA

U čl. 13. do 15. sadržane su odredbe o: Strategiji upravljanja mineralnim sirovinama, Planu upravljanja mineralnim sirovinama i nadležnostima za donošenje i Planu upravljanja mineralnim sirovinama i prostornom planiranju.

DIO TREĆI - IZVOĐENJE RUDARSKIH RADOVA

U čl. 16. do 19. sadržane su odredbe o: uvjetima za izvođenje rudarskih radova, načinu izvođenja rudarskih radova, radu više izvođača rudarskih radova u rudarskim objektima i propisima pri izvođenju rudarskih radova.

U čl. 20. do 23. sadržane su odredbe o: službi spašavanja, vatrogasna službi i služba prve pomoći, postupcima uposlenika i gospodarskog društva u slučaju pojava iznenadnih opasnosti, provođenju stručnih poslova u oblasti zaštite na radu, zaštite zdravlja uposlenika na radu i zaštite životne sredine i rukovođenju poslovima zaštite na radu i zaštite zdravlja uposlenika na radu.

U čl. 24. do 31. sadržane su odredbe o: rukovodećim osobama u rudarstvu, glavnom tehničkom rukovođenju u jamskoj i površinskoj eksploataciji, glavnom tehničkom rukovođenju u bušotinskoj eksploataciji, tehničkom rukovođenju, uvjetima za obavljanje poslova rudarskih mjerenja, nadzornika u rudarskim objektima, poslovođe i samostalnog rukovanja eksplozivnim sredstvima u rudarstvu.

U čl. 32. do 37. sadržane su odredbe o: završenim školama i fakultetima potrebnim za obavljanje određenih rudarskih poslova i tehničkog rukovođenja, stručnom ispitu za tehničko rukovođenje, nadzor nad rudarskim radovima i samostalno obavljanje rudarskih

mjerjenja i polaganje stručnog ispita, potrebnom radnom iskustvu za obavljanje određenih poslova u rudarstvu, obvezama gospodarskog društva za izvođenje radova, knjizi rudarskog nadzora i vođenju te knjige.

U čl. 38. do 49. sadržane su odredbe o: potrebnim dozvolama za izvođenja radova na neposrednoj eksploataciji mineralnih sirovina, zahtjevu za izdavanje dozvole i sadržaj dozvole za eksploataciju, ukidanju dozvole za eksploataciju, prestanku važenja dozvole za eksploataciju, zahtjevu za produženje dozvole za eksploataciju, dozvoli za potpunu i trajnu obustavu eksploatacije, dozvoli za izvođenje radova i gradnju objekata prema rudarskom projektu, privremenoj dozvoli za izvođenje rudarskih radova, konačnoj dozvoli za izvođenje rudarskih radova, početku izvođenja rudarskih radova, dozvoli za upotrebu rudarskih objekata, postrojenja, uređaja i instalacija i dozvoli za obavljanje periodičnih pregleda.

DIO ČETVRTI - MJERE ZAŠTITE NA RADU

U čl. 50. do 59. sadržane su odredbe o: provođenju mjere zaštite na radu, sigurnosti i zdravlju uposlenika na radu, izradi akta o procjeni rizika, poduzimanju mjera za zaštitu života građana i osiguranje imovine, upoznavanju sa propisima i uvođenju u posao, obvezama poznavanja propisa iz oblasti zaštite na radu i sankcije za nepoznavanje propisa, privremeno udaljavanje uposlenika sa posla i zabrana unošenja određenih sredstava u jamske objekte.

DIO PETI - PRIVREMENA, POTPUNA I TRAJNA OBUSTAVA RUDARSKIH RADOVA

U čl. 60. do 65. sadržane su odredbe o: privremenoj obustavi rudarskih radova, potpunoj i trajnoj obustavi rudarskih radova, sanaciji i rekultivaciji posljedica rudarskih radova na okoliš, prestanak prava i obveza gospodarskom društvu, otklanjanju posljedica rudarskih radova i katastru eksploatacijskih polja.

DIO ŠESTI - TEHNIČKA DOKUMENTACIJA I PROJEKTOVANJE

U čl. 66. do 76. sadržane su odredbe o: tehničkoj dokumentaciji u rudarstvu, usklađenosti tehničke dokumentacije, vrsti rudarskih projekata, idejnom rudarskom projektu, glavnom rudarskom projektu, dopunskom rudarskom projektu, tehničkom i pojednostavljenom rudarskom projektu, rudarskom projektu za istraživanje čvrstih mineralnih sirovina, nostrifikaciji rudarskih projekata, ponovnoj eksploataciji mineralnih sirovina.

U čl. 77. do 81. sadržane su odredbe o: izradi elaborata i kategorizaciji jama i jamskih prostorija, izradi rudarskih projekata, osposobljenosti lica za izradu rudarskih projekata, ovlaštenim licima i pisanoj izjavi.

U čl. 82. do 86. sadržane su odredbe o: reviziji rudarskog projekta, uvjeti i pravo revizije rudarskog projekta, zadatak revidenta, reviziona klauzula, izmjene u rudarskom projektu za izvođenje radova.

DIO SEDMI - RUDARSKI PLANOVI I RUDARSKA MJERENJA

U čl. 87. do 97. sadržane su odredbe o: planovima i kartama, dostavljanju i izradi planova i karata, obveznim planovima i kartama, obveznim planovima i kartama pri eksploataciji

gasovitih i tekućih ležišta mineralnih sirovina, priključivanju rudarskih mjerenja na državnu geodetsku osnovu, rudarskim mjeračkim knjigama, licima za obavljanje rudarskih mjerenja, korištenje zemljišta za premjer, dostavljanju planova, o godišnjem i dugoročnom planu eksploatacije mineralnih sirovina i usklađenosti rudarskih projekata sa propisima koji uređuju zaštitu okoliša.

DIO OSMI - NADZOR

U čl. 98. do 114. sadržane su odredbe o: upravnom i inspekcijskom nadzoru, rudarskoj inspekciji i rudarskom inspektoru, nadležnosti inspekcije, ovlaštenju i dužnostima inspektora, dužnosti gospodarskog društva, odnosno izvođača rudarskih radova pri inspekcijskom nadzoru, zapisniku o inspekcijskom nadzoru, upravnim mjerama, privremenoj zabrani izvođenja rudarskih radova, zabrani izvođenja rudarskih radova, zabrani obavljanja djelatnosti, usmenom izricanju upravne mjere, roku za donošenje rješenja, izvršenju rješenja, žalbi na rješenje i roku za rješavanje žalbe.

DIO DEVETI - ZAŠTITA I UREĐENJE PROSTORA

U čl. 115. do 117. sadržane su odredbe o: ugrožavanju okoliša, suglasnosti za građenje u eksploatacionom polju i građenje u eksploatacionom polju.

DIO DESETI - KAZNE NE ODREDBE

U čl. 118. do 121. sadržane su odredbe o prekršajima i vrstama prekršaja, iznosima novčanih kazni za gospodarsko društvo i drugu pravnu osobu, odgovorne osobe u pravnoj osobi i uposlenike te zabrana odgovornoj osobi da obavlja određenu dužnost u utvrđenom vremenskom trajanju.

DIO JEDANAESTI - PRIJELAZNE I ZAVRŠENE ODREDBE

U čl. 122. do 130. sadržane su odredbe o: postupcima koji su počeli prije stupanja na snagu ovog Zakona, propisima koje donosi Vlada Federacije Bosne i Hercegovine, propisima koje donosi federalni ministar energije, rudarstva i industrije, primjeni postojećih propisa, rodnoj neutralnosti pojmova, primjeni postojećih standarda i normativa, prestanku važenja Zakona, kantonalnim propisima i stupanju Zakona na snagu.

IV - USKLAĐENOST PROPISA SA EUROPSKIM ZAKONODAVSTVOM

Zakonom se ne vrši usklađivanje sa pravnom stečevinom (acquis-em) Europske Unije, a što je propisano Odlukom o instrumentima za usklađivanje zakonodavstva BiH sa pravnom stečevinom Europske Unije („Službeni glasnik BiH“, broj: 75/16) iz razloga što na nivou Europske unije nema propisa kojima je regulisano pitanje eksploatacije mineralnih sirovina.

V - PROVEDBENI MEHANIZMI I NAČIN OSIGURANJA POŠTIVANJA PROPISA

Mehanizmi i način osiguranja poštivanja propisa vršit će se sukladno sa Zakonom o rudarstvu Federacije Bosne i Hercegovine odnosno upravni nadzor vršit će Federalno ministarstvo energije, rudarstva i industrije i kantonalna ministarstva nadležna za

rudarstvo svatko u okviru svoje nadležnosti. Inspekcijski nadzor vršit će Federalna uprava za inspekcije poslove - Federalni rudarsko, termo i elektro-energetski inspektorat i kantonalne inspekcije nadležne za rudarstvo svatko u okviru svoje nadležnosti.

VI - OPIS KONSULTACIJA VOĐENIH U PROCESU IZRADE PROPISA

U procesu izrade Zakona vršena je analiza prioriteta aktera za konsultacije koji imaju interes za donošenje Zakona ili na koje utječe donošenje Zakona. Kao formalni akteri registrirani su oni koji su u proces izrade Zakona uključeni zbog svojih ustavnih ili zakonskih ovlasti: kantonalna ministarstva nadležna za rudarstvo, Federalna uprava za inspekcijske poslove, rudnici, gospodarska društva koja se bave eksploatacijom mineralnih sirovina, gospodarska društva koja se bave izradom tehničke dokumentacije za rudarstvo, institut i fakultet, sindikati i gospodarska komora.

Federalno ministarstvo energije, rudarstva i industrije u prilogu akt broj: 06-30-2-1480/20 od 07.01.2021. godine, Prednacrt zakona o rudarstvu Federacije Bosne i Hercegovine je dostavilo:

1. JP „Elektroprivreda BiH“ d.d. Sarajevo
2. Rudnik ugljena „Kreka“ d.o.o. –Tuzla
3. Rudnik mrkog ugljena „Đurđevik“ d.o.o. – Đurđevik
4. Rudnik mrkog ugljena „Kakanj“ d.o.o. – Kakanj
5. Rudnik mrkog ugljena „Breza“ d.o.o. – Breza
6. Rudnik mrkog ugljena „Zenica“ d.o.o. – Zenica
7. Rudnik mrkog ugljena „Abid Lolić“ d.o.o -Travnik-Bila
8. Rudnik ugljena „Gračanica“ d.o.o Gornji Vakuf-Uskoplje i
9. Rudnici mrkog ugljena "BANOVICI" d.d. Banovići
10. Rudnici boksita d.o.o. Široki Brijeg
11. „Rudnici boksita“ d.o.o. Posušje
12. „Rudnici boksita Jajce“ o.d.d. Jajce
13. LAGER d.o.o. Posušje
14. Rudnik soli "Tuzla" d.d. Tuzla
15. Federalna uprava za inspekcijske poslove, Sarajevo
16. BBM d.o.o. Sarajevo
17. GEOMET d.o.o. Olovo
18. Rudarski institut d.d. Tuzla
19. Rudar d.o.o. Tuzla
20. Rudarsko geološko-građevinski fakultet Tuzla
21. RUD-PROM d.o.o.Tuzla
22. Privredna / Gospodarska komora Federacije BiH
23. Samostalni sindikat radnika rudnika Federacije BiH
24. Samostalni sindikat rudara u Federacije BiH

Imajući u vidu da se radi o Zakonu iz zajedničke nadležnosti, Federalno ministarstvo energije, rudarstva i industrije dostavilo je, u pisanom i elektronskom u prilogu akta broj: 06-30-2-1480/20 od 07.01.2021. godine, Prednacrt zakona o rudarstvu Federacije Bosne i Hercegovine Vladama svih deset kantona u Federaciji Bosne i Hercegovine.

Svi pozvani učesnici konsultacija obaviješteni su da je Prednacrt zakona o rudarstvu Federacije Bosne i Hercegovine objavljen i na službenoj stranici Federalnog ministarstva

energije, rudarstva i industrije (www.fmeri.gov.ba). Svi zainteresirani su pozvani da svoje primjedbe, sugestije i prijedloge na objavljeni Prednacrt zakona o rudarstvu Federacije Bosne i Hercegovine mogu dostaviti u roku od mjesec dana od dana prijema akta odnosno dana objave na službenoj stranici FMERI pismeno ili na e-mail adresu: amir.halilcevic@fmeri.gov.ba.

Svoje prijedloge, primjedbe i sugestije dostavili su:

- > dr. sc. Halid Čičkušić, dipl.inž. rud. Rudnici „Kreka“ d.o.o. Tuzla
- > Federalna uprava za inspekcijske poslove, Sarajevo
- > Rudnici mrkog ugljena "BANOVICI" d.d. Banovići
- > Privredna / Gospodarska komora Federacije BiH
- > Inženjerska komora Federacije BiH-Matična sekcija inženjera geologije
- > Rudarski institut d.d. Tuzla
- > RUDEX d.o.o. Sarajevo
- > Unsko-sanski kanton-Ministarstvo privrede
- > Udruženje inženjera sigurnosti i pomoći Tuzla
- > Rudnik soli „Tuzla“ d.d. Tuzla
- > Privredna / Gospodarska komora Federacije BiH
- > Inženjerska komora Federacije BiH-Matična sekcija inženjera rudarske struke
- > Tuzlanski kanton - Ministarstvo gospodarstva
- > Bosansko – podrinski kanton - Vlada
- > Posavski kanton - Vlada
- > Hercegovačko-neretvanski kanton - Ministarstvo gospodarstva
- > Kanton Zapadnohercegovački - Vlada
- > Srednjobosanski kanton - Ministarstvo gospodarstva
- > Sarajevski kanton - Ministarstvo gospodarstva
- > Sarajevski kanton - Ministarstvo komunalnog gospodarstva, infrastrukture, prostornog uređenja, građenja i zaštite okoliša
- > Kanton 10 - Ministarstvo gospodarstva
- > Kanton 10 - Uprava za inspekcijske poslove
- > JP „Elektroprivreda BiH“ d.d. Sarajevo

Svoje prijedloge, primjedbe i sugestije nije dostavio Zeničko-dobojski kanton ni nakon ponovljenog poziva od 08.03.2021. godine. Na ponovno traženje Federalnog ministarstva energije, rudarstva i industrije, Ministarstvo gospodarstva Zeničko-dobojskog kantona dana 30.08.2021. godine dostavilo je akt broj: 04-02-762-2/21 u kojem navode na nemaju primjedbi na dostavljeni tekst Prednacrt zakona o rudarstvu Federacije Bosne i Hercegovine.

Svoje prijedloge, primjedbe i sugestije nisu dostavili:

- > Rudnici boksita d.o.o. Široki Brijeg
- > „Rudnici boksita“ d.o.o. Posušje
- > „Rudnici boksita Jajce“ o.d.d. Jajce
- > LAGER d.o.o. Posušje
- > BBM d.o.o. Sarajevo
- > GEOMET d.o.o. Olovo
- > Rudar d.o.o. Tuzla

- > Rudarsko geološko-građevinski fakultet Tuzla
- > RUD-PROM d.o.o.Tuzla
- > Privredna / Gospodarska komora Federacije BiH
- > Samostalni sindikat radnika rudnika Federacije BiH
- > Samostalni sindikat rudara u Federaciji BiH

Nakon razmatranja dostavljenih mišljenja, prijedloga i sugestija, osnovani prijedlozi i sugestije su prihvaćeni i uključeni u tekst Prednacrta zakona o rudarstvu Federacije Bosne i Hercegovine, a za neprihvaćene navedeni su razlozi.

Vlada Federacije Bosne i Hercegovine je na svojoj 281. sjednici održanoj 16.09.2021. godine utvrdila Nacrt zakona o rudarstvu Federacije BiH i isti uputila u parlamentarnu proceduru.

Zastupnički dom Parlamenta Federacije BiH je na svojoj 26. redovitoj sjednici održanoj 27.10.2021. godine razmatrao i usvojio Nacrt zakona o rudarstvu Federacije BiH i donio odgovarajući zaključak.

Dom naroda Federacije BiH je u nastavku 17. sjednice 03.03.2022. godine usvojio Nacrt zakona o rudarstvu Federacije BiH i donio zaključak kojim je zadužio predlagatelja da organizira i sprovede javnu raspravu sukladno sa procedurama predviđenim u Ustavu Federacije BiH za donošenje zakona iz zajedničke nadležnosti federalne vlasti i kantona, a Stručne službe Doma naroda Parlamenta Federacije BiH da zaključak i Nacrt zakona o rudarstvu Federacije BiH dostavi kantonalnim skupštinama radi davanja mišljenja.

Federalno ministarstvo energije, rudarstva i industrije kao predlagatelj Zakona o rudarstvu Federacije BiH proveo je javne rasprave i to u Sarajevu 20.04.2022. godine, Mostaru 10.05.2022. godine i Tuzli 12.05.2022. godine.

Nakon provednih javnih rasprava primjedbe na Nacrt zakona o rudarstvu Federacije BiH dostavili su:

- Grad Tuzla
- RU "KREKA" d.d. Tuzla
- Matična sekcija inženjera geologije
- Kantonalna gospodarska komora TK
- Rudarski institut d.d. Tuzla
- Elvis Burgić
- Amor Husić
- Adam Avdić sa grupom inženjera

Federalno ministarstvo energije, rudarstva i industrije dostavilo je u pisanom i elektronskom u prilogu akta broj: 06-30-2-1480/20 od 24.03.2022. godine Nacrt zakona o rudarstvu Federacije Bosne i Hercegovine Federalnom ministarstvu okoliša i turizma, Federalnom ministarstvu poljoprivrede, vodoprivrede i šumarstva i Federalnom ministarstvu prostornog uređenja. Primjedbe na Nacrt zakona o rudarstvu Federacije Bosne i Hercegovine dostavila su sva tri ministarstva.

Također, prema zaključku Doma naroda Parlamenta Federacije BiH primjedbe na Nacrt zakona o rudarstvu Federacije Bosne i Hercegovine dostavile su skupštine svih kantona:

1. Posavski kanton,
2. Tuzlanska kanton,
3. Zeničko-dobojski kanton,
4. Bosansko-podrinjski kanton,
5. Srednjobosanski kanton,
6. Kanton 10.

Svoje prijedloge, primjedbe i sugestije nije dostavio Zapodnohercegovački kanton, Unsko-sanski kanton, Hercegovačko-neretvanski kanton i Kanton Sarajevo. Na ponovno traženje Federalnog ministarstva energije, rudarstva i industrije, navedeni kantoni su dostavili svoja mišljenja.

Nakon razmatranja dostavljenih mišljenja, prijedloga i sugestija, osnovani prijedlozi i sugestije su prihvaćeni i uključeni u tekst Nacrta zakona o rudarstvu Federacije Bosne i Hercegovine, a za neprihvaćene navedeni su razlozi.

Federalno ministarstvo energije, rudarstva i industrije nije prihvatilo prijedloge Posavskog kantona, Zapadnohercegovačkog kantona, Srednjobosanskog kantona i Kantona 10 za izmjenu članka 6. koje se odnose na podjelu nadležnosti nad mineralnim sirovinama između federalne i kantonalnih vlasti kao niti druge prijedloge u svezi s tim izmjenama, budući da su prijedlozi u suprotnosti sa podjelama nadležnosti koje su utvrđene u članku 7. važećeg Zakona o rudarstvu Federacije Bosne i Hercegovine („Službene novine Federacije BiH“, broj 26/10), obrađivač Nacrta se opredijelio za normativno rješenje utvrđeno u navedenom Zakonu.

Vlada Federacije BiH je na svojoj 33. sjednici, održanoj 30.04.2024. godine utvrdila Prijedlog zakona o rudarstvu Federacije BiH i isti uputila u parlamentarnu proceduru. Prilikom razmatranja Prijedloga izjašnjenja o amandmanima na Prijedlog zakona o rudarstvu Federacije BiH, koje su podnijeli Klub zastupnika HDZ BiH – HNS u Zastupničkom domu Parlamenta Federacije BiH i Elzina Pirić, zastupnik u Zastupničkom domu Parlamenta Federacije BiH, kao i primjedbi koje je dalo Federalno ministarstvo rada i socijalne politike, na svojoj 37. sjednici održanoj 25.06.2024. godine Vlada Federacije BiH donijela je Zaključak V. broj: 1008/2024 od 25.06.2024. godine kojim radi dodatnog usaglašavanja, povlači Prijedlog zakona o rudarstvu Federacije BiH koji je Vlada Federacije BiH utvrdila na 33. sjednici, održanoj 30.04.2024. godine i upućenog Parlamentu Federacije BiH aktom broj: 03-02-1071/2021 od 10.05.2024. godine.

Primjedbe Zeničko-dobojskog kantona

1. Primjedba se ne prihvata obzirom da je u stavku 3. članka 20. propisano da je PD dužno organizirati vatrogasnu službu i službu prve pomoći ili zaključiti ugovor sa odgovarajućim službama u mjestu gdje se nalazi gospodarsko društvo. Način reguliranja međusobnih obveza sa odgovarajućim službama nije predmet ovog Zakona. Federalni ministar je donio Pravilnik o načinu organiziranja, stručnoj osposobljenosti i tehničkoj opremljenosti službe spasavanja, vatrogasne službe i službe prve pomoći u rudarskom gospodarskom društvu („Službene novine Federacije BiH“, broj: 64/12).
2. Članak 39. (Zahtjev za izdavanje dozvole i sadržaj dozvole za eksploataciju)

Stavak (1) točka b. Prihvaćena

Stavak (1) ne prihvaća se dodavanje točke g.) rješenje o pretvorbi šumskog zemljišta u građevinsko obzirom da je točkom f. tražena urbanistička suglasnost koja obuhvata i pitanje pretvorbe zemljišta.

Stavak (2) točka d. ne prihvaća se. Radovi na eksploataciji mineralnih sirovina izvode se na temelju projektne dokumentacije. Dozvola za izvođenje radova na eksploataciji određene mineralne sirovine je odobren projekat (Glavni rudarski projekat, Dopuski rudarski projekat), što je točkom d) stavak (2) članka 39. i rečeno.

3. Članak 42. (Zahtjev za produženje dozvole za eksploataciju)

Stavak (1) ne prihvaća se. Lokalitet za eksploataciju određene mineralne sirovine je definiran prelomnim točkama koje su navedene u dozvoli.

Stavak (1) točka b. Prihvaćena

Stavak (2) ne prihvaća se. U samom nazivu članka 42. kao i u stavku (2) je jasno napisano na šta se isti odnosi.

4. Članak 44. (Dozvola za izvođenje radova i gradnju objekata prema rudarskom projektu)

Stavak (2) ne prihvaća se. Izvješće revidenta o reviziji projekta je važan dokument koji se pored ostale dokumentacije prilaže uz zahtjev i ostaje u predmetu. Svakako isti je i sastavni dio projekta, a to je regulirano Pravilnikom o sadržaju, redoslijedu izrade, sastavnim dijelovima i načinu izrade rudarskih projekata („Službene novine Federacije BiH“, broj: 53/12).

Takođe ne prihvata se zamjena teksta „Izvješće revidenta o reviziji projekta“ tekstom „šumarska suglasnost, odnosno Rješenje o pretvorbi šumskog zemljišta u građevinsko“ obzirom da je točkom f. tražena urbanistička suglasnost koja obuhvata i pitanje pretvorbe zemljišta.

5. Članak 45. (Privremena dozvola za izvođenje rudarskih radova)

Kompletna primjedba na članak 45. ne prihvaća se. Člankom 45. Nacrta zakona o rudarstvu Federacije BiH je jasno definirano na šta se odnosi Privremena dozvola za izvođenje rudarskih radova, a što se tiče stavka (2) on se odnosi na sve za šta je predviđen probni rad.

Što se tiče stavka (3) točka b) to je obrazloženo u prethodnom članku stavak (2), a koji se odnosi na Izvješće revidenta o reviziji projekta.

U stavku (4) jeste ostavljena mogućnost da se Privremena dozvola za izvođenje rudarskih radova može izdati i na razdoblje duži od dvije godine. Izdavanje ove dozvole se vrši na temelju Elaborata o praćenju rada, koji sadrži tehničko - tehnološke i sigurnosne elemente ostvarenih osnovnih projektovanih parametara, a što je uređeno Pravilnikom o postupku ispitivanja ispravnosti otkopne metode, tehnologije i postrojenja („Službene novine Federacije BiH“, broj: 80/11).

6. Članak 46. (Konačna dozvola za izvođenje rudarskih radova)

Ne prihvaća se izmjena naziva članka 46. obzirom da u razradi članka 46. je navedeno na šta se točno odnosi i isti je usklađen sa nazivom.

7. Članak 109. (Zabrana obavljanja djelatnosti)
Ne prihvaća se dodavanje stavka (2). Inspektor kontrolira gospodarska društva kojima je nadležni organ izdao rješenje za bavljenje poslovima u okviru rudarske djelatnosti i istima može izreći određene mjere ukoliko utvrdi nedostatke pri inspekcijskom nadzoru.
8. Članak 116. (Suglasnost za građenje u eksploatacionom polju)
Ne prihvaća se. Prethodnim zakonima je takođe bila definirana gradnja u eksploatacionom polju. Eksploataciona polja se dodjeljuju sukladno sa usvojenim prostornim planom. Privredni subjekt koji je dobio dozvolu za eksploataciono polje treba da uradi Elaborat o utjecaju rudarskih radova na površinu terena, odnosno da odredi granicu utjecaja rudarskih radova. Ona može biti znatno manja od granice eksploatacionog polja. Iz tog razloga gospodarsko društvo kojem je dodjeljeno eksploataciono polje mora dati mišljenje za građenje u granicama eksploatacionog polja vodeći računa o granici utjecaja rudarskih radova.
9. Članak 117. (Građenje u eksploatacionom polju)
Ne prihvaća se brisanje stavka (1) iz razloga što nabrojanje u ovom stavku nije taksativno već samo primjerično, što znači da se ne isključuju drugi objekti koji mogu biti proglašeni javnim interesom.

Ne prihvaća se brisanje stavka (3) jer se njime ne derogiraju drugi propisi kojima se ostvaruju prava na naknadu štete.
10. Uvođenje članka 120 a. nema smisla. Fizičko lice koje izvodi radove bez dozvole i vrši eksploataciju bez dozvole ne može kontrolirati inspekcija niti poduzimati određene mjere. To je nadležnost policije, obzirom da se radi o otuđivanju, odnosno krađi.

Primjedbe Hercegovačko-neretvanskog kantona

1. Članak 2. stavak (1) točka d). Ne prihvaća se. U točki d) je definiran rudnik u pravnom smislu dok sa druge strane, Zakon o gospodarskim društvima ne poznaje pojam poduzeće nego gospodarsko društvo.
2. Članak 41. (Prestanak važenja dozvole za eksploataciju)
Ne prihvaća se. Samo otvaranje stečajnog postupka nad gospodarskim društvom ne znači po automatizmu i prestanak rada društva nad kojim je otvoren stečaj.
3. Članak 44. Ne prihvaća se. Na ovaj način je i do sada tretirano rješavanje imovinsko pravnih odnosa kada je u pitanju podzemna eksploatacija. U Nacrtu zakona o rudarstvu Federacije Bosne i Hercegovine je samo jasnije napisano i obrazloženo to što je primjenjivano postojećim Zakonom.
4. Poglavlje X (kaznene odredbe). Ova primjedba se ne može prihvatiti iz razloga što nije dovoljno obrazložena. Iz onoga što je napisano u obrazloženju primjedbe nije jasno o kakvim povredama zakona se radi od strane fizičkih osoba u ovoj oblasti,

s obzirom da se svim djelatnostima iz oblasti rudarstva mogu baviti isključivo gospodarska društva.

Primjedbe Tuzlanskog kantona

1. Članak 78. (Izrada rudarskih projekata)
Stavak (1). Ne prihvaća se iz razloga što izrada rudarskih projekata predstavlja gospodarsku djelatnost, a koju gospodarska društva obavljaju u cilju sticanja dobiti, dok sa druge strane javne ustanove su osnovane radi zadovoljavanja potreba od općeg interesa, a takođe izradom dokumentacije mogu se baviti samo gospodarska društva.
2. Prihvata se prijedlog Ministarstva gospodarstva Tuzlanskog kantona da se u članku 125. doda nova točka j) Pravidnik o tehničko – zaštitnim mjerama pri radu na površinskim otkopima ugljena, metalnih i nemetalnih sirovina („Službeni list FNRJ“, broj: 18/61).

(Pravidnik o tehničkim normativima za površinsku eksploataciju ležišta mineralnih sirovina („Službeni list SFRJ“, br. 4/86 i 62/87) u prijelaznim i završnim odredbama u čl. 317. stavlja van snage Pravidnik o o tehničko – zaštitnim mjerama pri radu na površinskim otkopima ugljena, metalnih i nemetalnih sirovina („Službeni list FNRJ“, broj: 18/61 i „Službeni list SFRJ“, broj: 37/64), osim odredbi poglavlja III – Viseće žičane željeznice (čl. 91-107.).

Primjedbe Posavskog kantona

1. Članak 4. (Primjena Zakona)
Stavak (3) Prihvaća se.
2. Članak 6. (Primjena Zakona)
Korigovan članak 6. točka d). Ne prihvaća se primjedba obzirom da ovaj resurs pripada energetskim mineralnim sirovinama, odnosno isti se može koristiti u energetske svrhe. (Isti je usklađen i sa izmjenama i dopunama Zakona o geološkim istraživanjima).
3. Članak 12. (Zabrana eksploatacije mineralnih sirovina pri izvođenju građevinskih radova).
Ne prihvaća se primjedba iz razloga što je predloženim člankom jasno definirano predmetno pitanje.

Primjedbe Kantona 10

1. Članak 6. (Mineralne sirovine)
Stavak (2) Ne prihvaća se primjedba.
Ustavni temelj za donošenje Zakona o rudarstvu Federacije Bosne i Hercegovine sadržan je u članku III. 2. i) Ustava Federacije Bosne i Hercegovine prema kojem su federalna vlast i kantoni nadležni za korištenje prirodnih bogatstava.

Člankom III. 3. (1) Ustava Federacije propisano je da prema potrebama, nadležnosti iz članka II. 2. mogu biti ostvarivane zajednički ili odvojeno, ili od strane

kantona koordinirano od federalne vlasti i glede ovih nadležnosti kantoni i federalna vlast dogovaraju na trajnoj osnovi.

Člankom III. 3. (3) Ustava Federacije Bosne i Hercegovine propisano je da federalna vlast ima pravo utvrđivati politiku i donositi zakone koji se tiču svake od ovih nadležnosti.

Prema odredbama članka IV. A. 20. (1) Ustava Federacije Bosne i Hercegovine, Parlament Federacije Bosne i Hercegovine u vršenju funkcije federalne vlasti nadležan je za donošenje zakona.

Kod donošenja prethodnog Zakona o rudarstvu Federacije BiH pribavljena su mišljenja svih kantona. U Zakonu o rudarstvu koji je donesen 2010. godine, prilikom njegovog usvajanja dogovorena je podjela mineralnih sirovina između Federacije BiH i kantona.

Parlament Federacije Bosne i Hercegovine je na sjednicama Zastupničkog doma održanoj 21.04.2010. godine i Doma naroda, 28.01.2010. godine usvojio Zakon o rudarstvu Federacije Bosne i Hercegovine („Službene novine Federacije BiH“, broj: 26/10).

Nadležnost nad upravljanjem mineralnim sirovinama nije se mijenjala, ona je ostala ista kao u važećem Zakonu o rudarstvu Federacije BiH. Takođe i inspekcijski nadzor nije se mijenjao i isti će vršiti Federalna uprava za inspekcijske poslove – Federalni rudarsko, termo i elektro-energetski inspektorat i kantonalne inspekcije nadležne za rudarstvo svatko u okviru svoje nadležnosti.

2. Članak 13. ne prihvaća se primjedba, obzirom da je članak 13. povezan sa člankom 6. za kojeg je već dato obrazloženje.
3. Članak 16. ne prihvaća se primjedba, obzirom da je ovaj članak povezan sa člankom 6. u kojem je data podjela nadležnosti nad upravljanjem mineralnim sirovinama za kojeg je već dato obrazloženje.
4. Primjedba na članke 23., 25., 26., 27. i 32. Djelimično prihvaćena primjedba na način da umjesto riječ "opći" zamjenjuje riječju "rudarski".
5. Članak 33. stavak (2) ne prihvaća se primjedba.

Nije prihvaćen prijedlog Kantona 10 da se u članku 33. stavak 2. Nacrta zakona uz priznavanje ispita iz Republike Srpske priznaju i stručni ispit položen prema odredbama Zakona o rudarstvu Kantona u Federaciji BiH iz razloga što je u članku 33. stavak (1) Zakona o rudarstvu Federacije Bosne i Hercegovine („Službene novine Federacije BiH“, broj: 26/10) utvrđeno da je polaganje stručnog ispita u nadležnosti Federalnog ministarstva energije, rudarstva i industrije, a u Republici Srpskoj u nadležnosti entitetskog ministarstva nadležnog za rudarstvo.

Razlog priznavanja stručnog ispita za tehničko rukovođenje u oblasti rudarstva između Federacije BiH i entiteta RS jeste to što su gospodarska društva iz Federacije BiH nailazila na probleme kod dobijanja poslova u RS i obrnuto.

Polaganje stručnog ispita u Federaciji BiH kao i imenovanje stručnog povjerenstva za polaganje ispita je regulirano Zakonom o rudarstvu Federacije BiH i Pravilnikom donesenim na temelju ovog Zakona i istim nije ostavljena mogućnost da se na razini kantona polažu stručni ispiti, a takođe pojedini kantoni nisu imali stručni kadar za polaganje stručnog ispita. Da ne bi bili dovedeni u neravnotežan položaj opravdano je da se stručni ispit polaže na nivou Federacije BiH.

6. Članak 34. ne prihvaća se primjedba. Stav članova Stručnog povjerenstva je da povjerenstvo za polaganje stručnog ispita imenuje Federalni ministar i da propis za polaganje stručnih ispita za određene poslove iz oblasti rudarstva donosi federalni ministar.

Ovakav način formiranja povjerenstva i polaganje stručnog ispita je u praksi već 13 godina odnosno od 2010. godine kada je donesen Zakon o rudarstvu Federacije BiH i nije bilo problema u njegovoj primjeni.

Novim Zakonom nije tretirana nadležnost polaganja stručnog ispita, ona je ostala ista kao u prethodnom Zakonu.

7. Članak 98. ne prihvaća se primjedba za izmjenu stavka 1. iz razlog što je povezana sa člankom 6. Zakona o rudarstvu Federacije BiH, a koji se odnosi na podjelu nadležnosti nad upravljanjem mineralnim sirovinama.
8. Primjedba na članak 100. je osnovana. Kako je navedeno u ovom članku data je mogućnost da rudarski inspektor može biti samo rudar bez obzira što u rudnicima imamo elektroenergetska i mašinska postrojenja. S pravom se postavlja dilema i pitanje da li rudarski inspektor dipl.inž. rudarstva može kontrolirati mašinska i elektro postrojenja u rudnicima.

Primjedbe Bosansko-podrinjskog kantona

Dostavio je generalno mišljenje na Nacrt zakona o rudarstvu Federacije BiH za kojeg smatra da je dobra osnova za izradu Prijedloga i predložio je da se u članku 4. u stavku (3) iza riječi „Zakona o koncesijama („Službene novine Federacije BiH“, broj: 40/02)“ dodaju i riječi „i odredbe kantonalnih zakona koji reguliraju oblast koncesija“.

Primjedba je prihvaćena i ista je dostavljena i od strane Posavskog kantona.

Primjedbe Srednjobosanskog kantona

1. Članak 6. (Mineralne sirovine)
Stavak (2) i (3) Ne prihvaća se primjedba.
Ustavni temelj za donošenje Zakona o rudarstvu Federacije Bosne i Hercegovine sadržan je u članku III. 2. i) Ustava Federacije Bosne i Hercegovine prema kojem su federalna vlast i kantoni nadležni za korištenje prirodnih bogatstava.
Člankom III. 3. (1) Ustava Federacije propisano je da prema potrebama, nadležnosti iz članka II. 2. mogu biti ostvarivane zajednički ili odvojeno, ili od strane kantona koordinirano od federalne vlasti i glede ovih nadležnosti kantoni i federalna vlast dogovaraju na trajnoj osnovi.

Člankom III. 3. (3) Ustava Federacije Bosne i Hercegovine propisano je da federalna vlast, ima pravo utvrđivati politiku i donositi zakone koji se tiču svake od ovih nadležnosti.

Kod donošenja prethodnog Zakona o rudarstvu Federacije BiH pribavljena su mišljenja svih kantona. U Zakonu o rudarstvu Federacije BiH koji je donesen 2010. godine, prilikom njegovog usvajanja dogovorena je podjela mineralnih sirovina između Federacije BiH i kantona.

Nadležnost nad upravljanjem mineralnim sirovinama nije se mijenjala, ona je ostala ista kao u važećem Zakonu o rudarstvu Federacije BiH. Također, i inspekcijski nadzor nije se mijenjao i isti će vršiti Federalna uprava za inspekcijske poslove – Federalni rudarsko, termo i elektro-energetski inspektorat i kantonalne inspekcije nadležne za rudarstvo svatko u okviru svoje nadležnosti.

2. Članak 38.
St. (2) i (3) Ne prihvaća se primjedba iz razloga što je ista povezana sa nadležnostima iz članka 6. Zakona o rudarstvu Federacije BiH, a što je prethodno obrazloženo.
3. Članak 44.
Stavak (4) ne prihvaća se iz razloga što je po Zakonu o vodama to obavezan dokument i tretira zaštitu podzemnih i površinskih voda u fazi istraživanja i eksploatacije.
4. Članak 49. , 78. i 83. prijedlog da se brišu uvjeti.
Primjedba se ne prihvaća se iz razloga što je Zakon samo pomenuo bitne uvjete koje trebaju ispunjavati gospodarska društva, a oni su jasnije i detaljnije obrađeni Pravilnikom.
5. Članak 118. , 119. i 120. prijedlog da se kazne za prekršaje smanje.
Nije prihvaćen prijedlog Ministarstva gospodarstva Kantona Središnja Bosna za izmjenu čl. 118., 119. i 120. stavak (1), na smanjenje visine kazne za prekršaje iz razloga što su visine kazni preuzete iz važećeg Zakona o rudarstvu Federacije Bosne i Hercegovine.
 - Čl. 118. sa 10.000-15.000 smanji na 5.000-10.000
 - Čl. 119. sa 5.000-10.000 smanji na 2.500-5.000
 - Čl. 120 sa 1.000-15.000 smanji na 1.000-5.000
 - a za odgovornu osobu u pravnoj osobi umjesto 500-2.000 smanji na 200-500 KM

Primjedbe Zapadnohercegovačkog kantona

1. Članak 6. (Mineralne sirovine)
Stavak (2) i (3) Ne prihvaća se primjedba.
Ustavni temelj za donošenje Zakona o rudarstvu Federacije Bosne i Hercegovine sadržan je u članku III. 2. i) Ustava Federacije Bosne i Hercegovine prema kojem su federalna vlast i kantoni nadležni za korištenje prirodnih bogatstava.

Člankom III. 3. (1) Ustava Federacije propisano je da prema potrebama, nadležnosti iz članka II. 2. mogu biti ostvarivane zajednički ili odvojeno, ili od strane kantona koordinirano od federalne vlasti i glede ovih nadležnosti kantoni i federalna vlast dogovaraju na trajnoj osnovi.

Člankom III. 3. (3) Ustava Federacije Bosne i Hercegovine propisano je da federalna vlast, ima pravo utvrđivati politiku i donositi zakone koji se tiču svake od ovih nadležnosti.

Kod donošenja prethodnog Zakona o rudarstvu Federacije BiH pribavljena su mišljenja svih kantona. U Zakonu o rudarstvu Federacije BiH koji je donesen 2010. godine, prilikom njegovog usvajanja dogovorena je podjela mineralnih sirovina između Federacije BiH i kantona.

Nadležnost nad upravljanjem mineralnim sirovinama nije se mijenjala, ona je ostala ista kao u važećem Zakonu o rudarstvu Federacije BiH. Takođe i inspekcijski nadzor nije se mijenjao i isti će vršiti Federalna uprava za inspekcijske poslove – Federalni rudarsko, termo i elektro-energetski inspektorat i kantonalne inspekcije nadležne za rudarstvo svako u okviru svoje nadležnosti.

Primjedbe Unsko-sanskog kantona

Dostavio je generalno mišljenje na Nacrt zakona o rudarstvu Federacije BiH i dostavili su mišljenje u vidu konstatacija.

Kada je u pitanju izrada i revizija projektne dokumentacije konstatacija se ne može prihvatiti obzirom da je člankom 79. Zakona o rudarstvu Federacije BiH jasno napisano ko može izrađivati projekat u pogledu osposobljenosti, a također i u članku 83. Zakona o rudarstvu Federacije BiH kada je u pitanju revizija.

Kada je u pitanju Glavno tehničko rukovođenje mišljenje u obliku konstatacije se prihvaća, stavak (3) članak 25.

Primjedbe Sarajevskog kantona

1. Primjedba na članak 35. se prihvaća.
2. Primjedba na članak 38. stavak (2) i (3) se prihvaća.
3. Primjedba na članak 44. nije prihvatljiva obzirom da je u članku 38. (Dozvole) precizirano za koje dozvole je nadležno Federalno ministarstvo, a za koje kantonalna ministarstva, a sve sukladno sa podjelom mineralnih sirovina iz članka 6. Nacrta zakona.

Primjedbe Federalnog ministarstva prostornog uređenja

1. Primjedba na dopunu članka 12. djelimično se prihvaća izmjena u stavku (1) (2). Stavak (3) ne može se prihvatiti iz razloga što se odnosi na istražne radove, a ne na eksploataciju.
2. Primjedba na stavak (2) članka 66. (Tehnička dokumentacija), prihvaća se.

3. Primjedba na stavak (4) članka 86. ne može se prihvatiti, obzirom da se manje tehničke izmjene odnose samo na uvjete zaštite na radu.
4. Članak 116. stavak (1) primjedba se prihvaća.
Stavak (2) djelimično prihvaćena, a drugi dio koji se odnosi na oštećenja obuhvata sve ono za šta je data urbanistička suglasnost.

Federalno ministarstvo rada i socijalne politike

Primjedbe prihvaćene, razjašnjene i usaglašene. Usaglašene u dijelu koji se odnosi na izdavanje Dozvola za obavljanje periodičnih pregleda u oblasti rudarstva.

Federalno ministarstvo okoliša i turizma

Primjedbe prihvaćene.

Federalno ministarstvo poljoprivrede, vodoprivrede i šumarstva

Sektor za šumarstvo i lovstvo i sektor za poljoprivredu i prehrambenu industriju

Ne prihvaća se u članku 4. dodavanje novog stavka (7) iz razloga što je pitanje promjene namjene zemljišta iz šumskog ili poljoprivrednog u građevinsko već regulirano propisima, a čiji su uvjeti utvrđeni u urbanističkoj suglasnosti.

Sektor za vode

Primjedba na članak 9. prihvaćena na način da ovaj članak obuhvata korištenje, a ne upravljanje vodama koje su se pojavile u okviru eksploatacionog polja kao posljedica izvođenja rudarskih radova.

Članak 7. stavak (1) točka p) primjedba prihvaćena na način da je izvršena korekcija teksta.

Članak 12. primjedba prihvaćena, na način da je izbrisan dio teksta.

Agencija za vodno područje Jadranskog mora

Članak 4. stavak 5) Nacrta Primjedba djelimično prihvaćena na način da je i FMOiT dalo primjedbu na naziv akta "okolinska dozvola" i isto će biti ispravljeno sukladno sa Zakonom o zaštiti okoliša.

Agencija za vodno područje rijeke Save

Članak 4. stavak (2) ne prihvaća se iz razloga što je istraživanje mineralnih sirovina propisano Zakonom o geološkim istraživanjima u Federaciji BiH, a eksploatacija građevnog pijeska i šljunka je u nadležnosti kantona.

Članak 4. stavak (1) točka d. prihvaćena primjedba na način da su pridodate i "termalne vode".

Članak 9. stavak (1) (da li treba dodati i vode iz procesa prerade i oplemenjivanja mineralnih sirovina, odnosno separacije).

Članak 9. stavak (2) ne prihvaća se primjedba iz razloga što je to već obuhvaćeno postojećom odredbom.

Članak 9. stavak (3) prihvaćena dopuna stavka.

Članak 65. stavak (1) ne prihvata se primjedba iz razloga što je to uređeno i vodi se u GIS-u sukladno sa Pravilnikom o vođenju katastra odobrenih eksploatacionih polja,

načinu vođenja zbirke isprava i popisa gospodarskih društava kojima su izdate dozvole za eksploataciju mineralnih sirovina („Službene novine Federacije BiH“, broj: 79/11)

Članak 65. da se u GIS bazi podataka vode i koncesioni ugovori ne prihvaća se iz razloga što su koncesioni ugovori u nadležnosti kantonalnih ministarstva te se ne može federalnim zakonom kantonima propisivati obveza.

Članak 71. ne prihvaća se primjedba iz razloga što se na temelju rudarskih propisa ne tretiraju rudničke otpadne vode nego se tretmani otpadnih voda rade prema propisima koji nisu iz oblasti rudarstva.

Članak 78. Razmisliti o prihvatanju da se u stavku (2) na kraju doda "i za objekte i aktivnosti koje podliježu obvezi ishodovanja vodnih akata sukladno sa propisima iz oblasti voda".

Članak 97. prihvaćena primjedba na način da je dodano "i propise o vodama".

Agencija za vodno područje Jadranskog mora

Primjedba Agencije za vodno područje Jadranskog mora, a koja se odnosi na okolinsku dozvolu bit će korigovana sukladno sa primjedbama Federalnog ministarstva okoliša i turizma.

Članak 4. ne prihvaća se dopuna članka obzirom da je člankom 66. i člankom 78. stavak (2) Nacrta Zakona to već propisano.

Članak 48. ne prihvata se konstatacija iz razloga što tehnički pregled i izdavanje odobrenja za uporabu vrši Federalno ministarstvo energije, rudarstva i industrije putem stručnog povjerenstva, a prije tog pregleda ostavljena je mogućnost da gospodarsko društvo pusti u probni rad u trajanju do 6 mjeseci objekte, uređaje i postrojenja putem stručnog povjerenstva.

Članak 6. stavak (1) točka e) prihvaća se dopuna.

Ne prihvaća se primjedba Agencije za vodno područje Jadranskog mora na članak 48. stavak (11) točka f) za brisanje vodne dozvole iz razloga što je ista potrebna u tijeku izrade rudarskog objekta, a ne nakon izgradnje kao što je to prema propisima o gradnji. Također, ne prihvata se izmjena članka 48. dodavanjem stavka (12) iz razloga što je ova primjedba povezana sa prethodnim stavkom.

Ne prihvata se primjedba Agencije za vodno područje Jadranskog mora na članke 44. stavak (2) točka f), stavak (3) točka e), članak 48. stavak (12) točka e) alineja 3. i članak 115. stavak (1) a koji se odnosi na brisanje iz teksta urbanističke suglasnosti iz razloga što Federalno ministarstvo prostornog uređenja čija je nadležnost izdavanje urbanističke suglasnosti nije imalo primjedbi na ove članke.

Federalni zavod za agropedologiju

Članak 68. prihvaća se primjedba, a što se tiče saniranja i rekultiviranja degradiranog zemljišta ne prihvaća se iz razloga što je to već uređeno člankom 62. stavak (10).

Grad Tuzla

Članak 2. dodavanje nove točke p) ne prihvaća se primjedba iz razloga što se pitanje istražnog polja i samog istraživanja propisuje Zakonom o geološkim istraživanjima u Federaciji BiH. („Službene novine Federacije BiH“, br. 9/10 i 14/10).

Ne prihvaća se dopuna postojeće točke p) članka 2. iz razloga što to već proizilazi iz smisla i postojećeg predloženog teksta.

Članak 11. ne prihvaća se primjedba iz razloga što to već postojeće odredbe ovog članka ne dozvoljavaju, a također nema ni smisla u postojećem eksploatacionom polju otvarati novo imajući u vidu da je već eksploatacija na tom eksploatacionom polju odobrena.

Članak 62. ne prihvaća se dodavanje novog stavka iz razloga što je to već regulirano u stavku (1) postojećeg članka.

Članak 63. ne prihvaća se dodavanje dva nova stavka iz razloga što je to već regulirano postojećim člancima Zakona (čl. 61. i 62.), a također ne možemo vezati rokom zatvaranje nekog objekta obzirom da radovi na zatvaranju mogu trajati duže od jedne godine.

Članak 65. Zakona iz razloga što Federalno ministarstvo energije, rudarstva i industrije ne planira aktivnosti za gospodarsko društvo, već društvo samo planira svoje aktivnosti, a Ministarstvo utvrđuje da li se to provodi sukladno sa Zakonom.

Članak 106. ne prihvaća se iz razloga što nije prihvaćen rok u članku 63. Zakona, a što se tiče rudarske inspekcije već je propisana obveza kontroliranja izvođenja radova po odobrenoj projektnoj dokumentaciji.

Članak 116. ne prihvaća se iz razloga što je Federalno ministarstvo prostornog uređenja dalo svoje primjedbe na ovaj članak, a koje su uglavnom prihvaćene.

Primjedbe Adnana Avdića

Članak 27. stavak (6) ne prihvaća se jer postojećim stavkom je jasno definisano ko može obavljati poslove tehničkog rukovođenja u privrednom društvu koji izvodi rudarske radove, a rudarski radovi se navedeni u članku 7. Zakona.

Članak 27. stavak (6) ne prihvaća se iz razloga što su u članku 7. u točki k) i l) nabrojani objekti koji se izrađuju, saniraju ili rekonstruišu rudarskim metodama, a nakon završetka izrade ne služe kao rudarski objekti, a to su: željeznički, cestovni i hidrotehnički tuneli, podzemna skladišta plina i drugih ugljikovodonika i medija kao i drugi objekti na površini i ispod površine koji se rade rudarskim metodama kao i radovi na izradi tunela, galerija i drugih podzemnih prostorija, skladišta za CO₂ i druge tekuće i plinovite energente, nasipa, usjeka, deponija, odlagališta, sistema za transport mineralne sirovine i proizvoda kao i materijala za deponovanje i odlaganje, odvodnih kanala i drugih građevinskih objekata rudarskim metodama, a što nije predmet izučavanja na smjeru bušotinska eksploatacija mineralnih sirovina.

Primjedbe Elvise Burgića

Ovom primjedbom g. Elvis Burgić ukazuje na diskriminirajuće odredbe svršenih studenata odsjeka sigurnosti i pomoći u Nacrtu zakona o rudarstvu Federacije BiH.

U važećem Zakonu o rudarstvu Federacije BiH („Službene novine Federacije BiH“, broj: 26/10) u čl. 22. i 31. data je mogućnost rukovođenja Službom ZNR, a to pravo čl. 24. i 26. je oduzeto. U nacrtu novog Zakona o rudarstvu Federacije BiH, a imajući u vidu Stručno mišljenje Federalnog ministarstva energije, rudarstva i industrije u kojem je navedeno koje poslove mogu obavljati svršeni studenti sigurnosti i pomoći, određena je služba u okviru koje su našli svoje mjesto svršeni studenti smjera sigurnost i pomoć, a što je definirano člankom 22. točka (7).

Primjedbe Amora Husića

1. Članak 27. (Tehničko rukovođenje) primjedba se ne prihvaća iz razloga što je postojećim člankom jasno i precizno definirano ko može da obavlja poslove tehničkog rukovođenja.
2. Članak 29. (Nadzornik u rudarskim objektima) primjedba se ne prihvaća iz razloga što je postojećim člankom jasno i precizno definisano ko može obavljati poslove nadzornika u rudarskim objektima.

3. Članak 30. (Poslovođa u rudarskim objektima) primjedba se ne prihvaća iz razloga što je postojećim člankom jasno i precizno definirano ko može da obavlja poslove Poslovođe u rudarskim objektima.

Primjedbe Matične sekcije inženjera geologije

1. Članak 2. (Značenje izraza)
Točka ee) djelimično prihvaćena primjedba.
Točka eee) ne prihvaća se obzirom da je jasno definirano šta je to tipska rudarska mehanizacija, a sama definicija je zadržana kao i u važećem Zakonu o rudarstvu Federacije BiH.
2. Članak 7. točka l) primjedba se ne prihvaća, obzirom da su točkom l) obuhvaćeni rudarski radovi van eksploatacionog polja ili kad su u tehnološkoj vezi sa eksploatacionim poljem, a za čiju izradu se primjenjuju rudarske metode.
3. Članak 12. Primjedba nije prihvaćena iz razloga što je u stavku (1) ovog članka već rečeno da ukoliko se naiđe na pojavu bilo koje mineralne sirovine iz članka 6. ovog Zakona mora o tome obavijestiti Federalno ministarstvo, odnosno kantonalno ministarstvo nadležno za rudarstvo koje će donijeti odluku o daljnjim aktivnostima.

Primjedbe Rudarskog instituta

1. Članak 2. (Značenje izraza)
Točka ddd) primjedba se ne prihvaća iz razloga što prijedlog zanemaruje praktično iskustvo u eksploataciji mineralnih sirovina odnosno što radno iskustvo na eksploataciji mineralnih sirovina ili izvođenje rudarskih radova poistovjećuje sa radnim iskustvom stečenim u projektantskim kućama na izradi projektne dokumentacije, a što je jasno definirano u članku 35. Zakona (Radno iskustvo).
2. Članak 24. (Rukovodeća lica u rudarstvu)
Primjedba za dopunu stavka (1) ovog članka nije prihvatljiva iz razloga što je u Pravilniku o polaganju stručnih ispita za određene poslove u oblasti rudarstva („Službene novine Federacije BiH“, br. 76/11 i 7/20) jasno definirano koje su to vrste stručnog ispita, program stručnog ispita, uvjeti, način i troškovi polaganja stručnog ispita.
3. Članak 72. (Tehnički rudarski projekat)
Primjedba djelimično prihvaćena, a što se tiče nužnih odstupanja ona su definirana u članku 86. stavak (6) Zakona.
4. Članak 78. (Izrada rudarskih projekata)
Stavak (1) razmotriti promjenu naziva "rudarski projektant" u "gospodarsko društvo", obzirom da je i u članku 79. navedeno gospodarsko društvo, a i u stavku (2) članka 78. ne prihvaća se ostaje naziv rudarski projektant i isti je usklađen i u članku 78., a što se tiče prijedloga za promjenu stavka (1) koji se odnosi na ispunjavanje uvjeta u pogledu minimalnog broja uposlenih (dva uposlenika) na neodređeno radno vrijeme isti nije prihvatljiv obzirom da je i u važećem Zakonu taj broj bio tri i isti je zadržan i u novom Zakonu.
Stavak (2) ne prihvaća se iz razloga što u važećem Zakonu isti nije stvarao nedoumice i kao takav zadržan je i u novom Zakonu.

5. Članak 79. (Osposobljenost lica za rudarske projekte)
Izmjena stavka (1) je neprihvatljiva iz razloga što prijedlog zanemaruje praktično iskustvo u eksploataciji mineralnih sirovina.
6. Članak 81. (Pisana izjava)
Ne prihvaća se prijedlog Rudarskog instituta Tuzla da se briše članak 81. iz razloga što davanjem „pisane izjave“ projektant potvrđuje primjenu članka 67. Nacrta, a to je obveza i prema članku 10. stavak (2) Zakona o zaštiti na radu („Službene novine Federacije BiH“, broj: 79/20).
7. Članak 84. (Zadatak revidenta)
Dodavanje novog stavka nije prihvatljivo iz razloga što je čl. 82., 83., 84. i 85. regulirana revizija projektne dokumentacije. Projektanti i revidenti projekta su dužni da usuglase i otklone nedoumice iz projekta da bi se na kraju dobio što kvalitetniji projekat, a što je sigurno i cilj investitora.
Ne prihvaća se prijedlog Rudarskog instituta Tuzla da suglasnost na Nužna odstupanja daje Projektant koji je izradio Nužna odstupanja. U tijeku izvođenja radova po odobrenom projektu mogu se desiti okolnosti da je potrebno izmijeniti dio projektnog rješenja. Ostavljena je mogućnost da se to radi kroz Nužna odstupanja koja može uraditi projektant gospodarskog društva ali svakako u dogovoru i dobijenu suglasnost projektanta projektantske kuće u kojoj je projekat urađen, a također izmjene u projektu kakve god bile nije korektno vršiti bez suglasnosti i projektanta.
8. Članak 86. (Izmjene u projektu za izvođenje radova)
Izmjena stavka (6) ne može se prihvatiti iz razloga što nije nužno da projektant bude i izvođač radova kao i da suglasnost na Nužna odstupanja daje Projektant koji je izradio Nužna odstupanja.
Izvođač radova može biti angažirano neko pravno lice koje nije uopće niti projektovalo niti revidovalo projekat. U tijeku izvođenja radova po odobrenom projektu mogu se desiti okolnosti da je potrebno izmijeniti dio projektnog rješenja. Ostavljena je mogućnost da se to radi kroz Nužna odstupanja koja može uraditi projektant gospodarskog društva ali svakako u dogovoru i dobijanju suglasnost projektanta projektantske kuće u kojoj je projekat urađen, a takođe izmjene u projektu kakve god bile nije korektno vršiti bez suglasnosti i projektanta.

Primjedbe RU "KREKA" d.d. Tuzla

1. Članak 16. (Uvjeti za izvođenje rudarskih radova)
Nije prihvaćen prijedlog za izmjenu članka 16. iz razloga što je ovim člankom definirano izvođenje rudarskih radova i ko može izvoditi rudarske radove, a u članku 7. su definirani rudarski radovi.
2. Članak 22.
Ne prihvaća se izmjena stavka (2) iz razloga što je isti zadržan kao i u važećem zakonu i u primjeni nije stvarao nejasnoće.
Stavak (5) primjedba djelimično prihvaćena.
Ne prihvaća se dodavanje stavka (6a) i (6b) obzirom da se predloženo definira internim aktom gospodarskog društva.

Stavak (7) ne prihvaća se iz razloga što poslovi zaštite na radu nisu samo neposredna kontrola provođenja mjera zaštite na radu nego obuhvata širi obim poslova.

Stavak (8) ne prihvata se iz razloga što je postojeći stav jasno definirao osobe koje mogu obavljati poslove neposredne kontrole provođenja mjera zaštite na radu, a koji su u većoj mjeri zastupljeni nego što je prijedlog za izmjenu.

Usklađivanje umjesto "zaposlenik" "radnik" i umjesto "Služba" "Poslovi" je prihvaćeno.

3. Članak 23.

Primjedba na naslov članka 23. ne prihvaća se iz razloga što je naslov jasno precizirao na šta se odnosi članak 23.

Stavak (1) prihvaća se dopuna.

4. Članak 25. (Glavno tehničko rukovođenje u jamskoj i površinskoj eksploataciji)

Primjedba prihvaćena, odredba je zadržana kao i u važećem Zakonu o rudarstvu Federacije BiH.

5. Članak 39. (Zahtjev za izdavanje dozvole i sadržaj dozvole za eksploataciju)

Ne prihvaća se brisanje točke a) stavak (1) iz razloga što jedan od uvjeta za izdavanje dozvole za eksploataciju je prethodno potpisan ugovor o koncesiji, također postoje dvije koncesione naknade jednokratna na zauzetost prostora i tekuća koncesiona naknada koja se odnosi na iskopanu rudu. Također podsjećamo na okolnost da je pravo na dodjelu koncesije u isključivoj nadležnosti kantona, a što federalni organi kako prilikom propisivanja tako i prilikom rješavanja konkretnih slučajeva moraju uzeti u obzir.

Ne prihvaća se brisanje točke c) stavka (1) jer navedenom formulacijom u prijedlogu Zakona o rudarstvu Federacije BiH se osigurava pravo ulaska u posjed.

Ustav Bosne i Hercegovine (u daljem tekstu: Ustav BiH), u relevantnom dijelu (članak II/3..k) određuje da: - Sva lica na teritoriji Bosne i Hercegovine uživaju ljudska prava i slobode iz stavka (2) ovog članka, što uključuje: k) Pravo na imovinu. - Navedena odredba Ustava BiH je sadržana u katalogu zaštićenih ljudskih prava i govori o pravu na imovinu kao ljudskom pravu. Polazeći od toga da se prava i slobode predviđeni u Europskoj konvenciji o ljudskim pravima i u njenim protokolima direktno primjenjuju u Bosni i Hercegovini (članak II/2. Ustava BiH) **te da ova konvencija ima supremaciju u odnosu na sve ostale** zakone, to znači da je garancija prava vlasništva data člankom 1. Prvog protokola uz Europsku konvenciju o ljudskim pravima. Sadržaj odredbe članka 1. ovog Protokola govori o tri principa:

- prvi princip izražava pravilo o mirnom uživanju imovine odnosno garanciju prava vlasništva,
- drugo pravilo govori o mogućnosti oduzimanja imovine odnosno prava vlasništva sukladno sa određenim uvjetima, i
- treće pravilo daje pravo državi da svojim zakonima kontrolira korišćenje imovine **što podrazumijeva ograničenja prava vlasništva sukladno sa općim interesima.**

Iz navedinih pravila jasno proizilazi obveza poštivanja prava na imovinu, međutim, takva obveza podrazumijeva i zabrane. **Ova zabrana se prije svega odnosi na zaštitu osoba od neopravdanog miješanja države u njihovo pravo na mirno uživanje imovine.**

Dakle, za ograničenje prava vlasništva mora biti veoma bitan razlog i država to mora učiniti transparentno, odnosno mora se proglasiti javni interes.

Bez toga, niko nema pravo ograničiti pravo vlasništva bez pristanka samog vlasnika.

S obzirom da se odobrenjem za eksploataciju neposredno zadire u prava vlasnika zemljišnih čestica i osoba kojoj je odobrena eksploatacija ima znatna prava nad predmetnom nekretninom, a kojom se ograničava pravo vlasništva vlasniku te nekretnine, takva dozvola predstavljala bi povredu prava na uživanje vlasništva ukoliko bi se dala bez suglasnosti samog tog vlasnika, zbog čega smatramo ovaj zahtjev neopravdanim.

Stavak (1) točka f) je usuglašena sa Zakonom o zaštiti okoliša.

Stavak (2) točka e) ne prihvaća se iz razloga što rok važnosti dozvole za eksploataciju se veže sa rokom važenja ugovora o koncesiji.

6. Članak 40. (Ukidanje dozvole za eksploataciju)
Prihvaća se ispravka u točki c).
Ne prihvaća se brisanje točke e) iz razloga što je ovaj članak povezan sa člankom 39. Zakona o rudarstvu Federacije BiH u kojem je uvjet za izdavanje dozvole za eksploataciju potpisan ugovor o koncesiji.
7. Članak 41. (Prestanak važenja dozvole za eksploataciju)
Ne prihvaća se brisanje točke d) iz razloga što je potpisani i važeći ugovor o koncesiji uvjet za posjedovanje dozvole za eksploataciju.
8. Članak 42. (Zahtjev za produženja dozvole za eksploataciju)
Ne prihvata se brisanje točke d) a razlozi su navedeni u odgovoru na primjedbu na članak 39. stavak (1) točka a), a primjedba na točku e) bit će usklađena sa Zakonom o zaštiti okoliša.
9. Članak 43. (Dozvola za potpunu i trajnu obustavu eksploatacije)
Obrazloženje isto kao i za članak 42.
10. Članak 44. (Dozvola za izvođenje radova prema rudarskom projektu)
Ne prihvaća se dopuna stavka (2) točka e) iz razloga što dosadašnja praksa odobravanja projektne dokumentacije nije pravila probleme i smetnje i imala je veću širinu u odnosu na predloženo obzirom da se odobravanje projekta vršilo po fazama a ne po projektnom obuhvatu (projektni obuhvat može imati više faza).
Obrazloženje se odnosi na Dozvolu za izvođenje radova prema rudarskom projektu.
Prihvaća se primjedba na stavak (2) točka f) i ista će biti usklađena sa Zakonom o zaštiti okoliša.

11. Članak 48. (Dozvola za upotrebu rudarskih objekata, postrojenja, uređaja i instalacija)
Nije prihvaćen prijedlog RU "KREKA" d.o.o. Tuzla za izmjenu članka 48. imajući u vidu da je praksa pokazala da nije bilo problema u provedbi upravnog postupka koji je utvrđen ovim člankom, a koji se puno ne razlikuje od istog članka u važećem Zakonu o rudarstvu Federacije Bosne i Hercegovine. U Zakonu o rudarstvu susjednih zemalja odobrenje projektne dokumentacije nivoa Glavnog i Dopunskog rudarskog projekta vrše nadležna resorna ministarstva. S tim u svezi onaj ko je odobrio projekat vrši i tehnički prijem po tom projektu. Osim toga Federalno ministarstvo energije, rudarstva i industrije je odgovorno za stanje u oblasti te je i to jedan od razloga zašto se ne treba prepustiti da rudnik sam sebi izdaje Dozvolu za uporabu rudarskih objekata, postrojenja, uređaja i instalacija.
12. Članak 50. (Provođenje mjera zaštite na radu)
Nije prihvaćen prijedlog RU "KREKA" d.o.o. Tuzla za izmjenu članka 50. brisanje stavka (6) i dodavanje novog stavka (2) iz razloga što je to već postojećim stavkom (6) u dovoljnoj mjeri obrađeno.
Ne prihvaća se dodavanje novog stavka (4) u članku 50. ali dio primjedbe je prihvaćen i ugrađen u članku 22. stavak (4).
13. Članak 55. (Uvođenje u posao)
Nije prihvaćen prijedlog RU "KREKA" d.o.o. Tuzla za dopunu stavka (2) članka 55. iz razloga što je to navedeno u članku 19. stavak (4) a takođe stavak (2) članka 55. je dopunjen na primjedbu Nijaza Heleza.
Prihvaća se korekcija stavka (1) članka 55.
14. Članak 58. (Privremeno udaljavanje uposlenika sa posla)
Nije prihvaćen prijedlog RU "KREKA" d.o.o. Tuzla za dopunu stavka (2) članka 58. iz razloga što je to već navedeno u članku 19. stavak (4).
15. Članak 101. (Nadležnost inspekcije)
Ne prihvaća se da se u članku 101. točka f) na kraju rečenice doda "i tečnim gorivima" iz razloga što se time zadire u nadležnost druge inspekcije.
16. Članak 116. (Suglasnost za građenje u eksploatacionom polju)
Provjeriti da li ima smisla da se u članku 116. doda novi stavak (3) koji bi glasio "Ako na objektu ili na dijelu objekta koji je izgrađen bez propisnog odobrenja / urbanističke suglasnosti nadležnog organa nastane šteta usljed izvođenja rudarskih radova, vlasniku ne pripada pravo na naknadu" obzirom da je ovaj stavak postojao u prethodnim Zakonima (članak 40 ZOR-a 1984. godina) a bilo bi značajno za rudnike.
17. Članak 118. (Prekršaji)
Nije prihvaćen prijedlog RU "KREKA" d.o.o. Tuzla za dopunu članka 118. obzirom da je to definirano u članku 121.

VII - PROCJENA EKONOMSKE OPRAVDANOSTI DONOŠENJA PROPISA

Donošenjem ovog Zakona uređuje se oblast rudarstva u Federaciji Bosne i Hercegovine u smislu zaštite prirodnog bogatstva i korištenja mineralnih sirovina u komercijalne svrhe odnosno gospodarski razvoj.

Socijalni utjecaji bi se trebali ogledati u smislu intenzivnijeg gospodarskog razvoja i povećanjem opće zaposlenosti.

VIII - RASPORED EVENTUALNOG PONOVRNOG PREISPITIVANJA DONESENOG PROPISA

Procjenu nakon stupanja na snagu Zakona izvršit će Federalno ministarstvo energije, rudarstva i industrije, godinu dana nakon objave u „Službenim novinama Federacije BiH“.

IX - OBRAZLOŽENJE FINACIJSKIH SREDSTAVA ZA PROVOĐENJE PROPISA I FINACIJSKE EFEKTE PROPISA

Za provođenje Zakona nisu potrebna druga finacijska sredstva u proračunu Federacije Bosne i Hercegovine odnosno kantona, budući da su proračunom osigurana sredstva za plaće državnih službenika i inspektora koji će raditi na provođenju zakona.